

摘藻堂四庫全書薈要

史部

欽定四庫全書薈要

史部

資治通鑑卷一

二



詳校官編修臣汪鏞

欽定四庫全書薈要卷六千九百八十七

史部

資治通鑑卷一

宋 司馬光 撰

胡三省 音註



紀一

起著雍攝提格盡玄默困敦凡三十五年
爾雅太歲在甲曰闕逢在乙曰旃蒙在丙曰
柔兆在丁曰彊圉在戊曰著雍在己曰屠維
在庚曰上章在辛曰重光在壬曰玄默在癸
曰昭陽是為歲陽在寅曰攝提格在卯曰單
闕在辰曰執徐在巳曰大荒落在午曰敦牂
在未曰協洽在中曰涒灘在酉曰作噩在戌
曰掩茂在亥曰大淵獻在子曰困敦在丑曰
赤奮若是為歲名周紀分註起著雍攝提格
起戊寅也盡玄默困敦盡壬子也闕讀如字

史記作焉於乾翻著陳如翻雍於容翻默逸
職翻單閱上音丹又特連翻下烏葛翻又於
連翻輝作郎翻渚吐菟翻灘吐丹翻用敦音
頓杜預世族譜曰周黃帝之苗裔姬姓后
稷之後封於邰及夏衰稷子不密竄於西戎
至十二代孫太王避狄遷岐至孫文王受命
武王克商而有天下自武王至平王凡十三
世自平王至威烈王又十八世自威烈王至
赧王又五世張守節曰因太王居周原國號
曰周地理志云右扶風美陽縣岐山西北中
水鄉周太王所邑括地志云故周城一名美
陽城在雍州武功縣西北二十五里紀理也
統理衆事而繫之年月溫公繫年用春秋之
法因史漢本紀而謂之紀邠湯來翻夏戶雅
翻密竹律翻
在雍於用翻

威烈王

名午考王之子謚法猛以剛果曰威有功安民曰烈沈約曰諸複謚有謚人無謚法

二十三年

上距春秋獲麟七十八年距左傳趙襄子
恭智伯事七十一年恭毒也音安冀翻

初命晉大夫魏斯趙籍韓虔為諸侯

此溫公書法所由始也魏之先畢公

高後與周同姓其苗裔曰畢萬始封於魏至魏舒始為
晉正卿三世至斯趙之先造父後至叔帶始自周適晉
至趙夙始封於耿至趙盾始為晉正卿六世至籍韓之
先出於周武王至韓武子事晉封於韓原至韓厥為晉
正卿六世至虔三家者世為晉大夫於周則陪臣也周
室既衰晉主夏盟以尊王室故命之為伯三卿竊晉之
權暴蔑其君剖分其國此王法所必誅也威烈王不惟
不能誅之又命之為諸侯是崇獎奸名犯分之臣也通
鑑始於此其所
以謹名分歟

臣光曰臣聞天子之職莫大於禮禮莫大於分分莫

大於名

分扶問
翻下同

何謂禮紀綱是也何謂分君臣是也

何謂名公侯卿大夫是也夫以四海之廣

夫以
音扶

兆民

之衆受制於一人雖有絕倫之力高世之智莫不奔

走而服役者豈非以禮為之紀綱哉是故天子統三

公

統他
綜翻

三公率諸侯諸侯制卿大夫卿大夫治士庶

人

治直
之翻

貴以臨賤賤以承貴上之使下猶心腹之運

手足根本之制支葉下之事上猶手足之衛心腹支

葉之庇本根然後能上下相保而國家治安

治直吏翻

故

曰天子之職莫大於禮也文王序易以乾坤為首孔

子繫之曰天尊地卑乾坤定矣卑高以陳貴賤位矣

繫戶計翻

言君臣之位猶天地之不可易也春秋抑諸侯

尊王室王人雖微序於諸侯之上以是見聖人於君

臣之際未嘗不惓惓也

惓達負翻漢劉向傳忠臣缺
詠猶不忘君惓惓之義也惓

惓猶言
勤勤也

非有桀紂之暴湯武之仁人歸之天命之君

臣之分當守節伏死而已矣是故以微子而代紂則

成湯配天矣

史記商帝乙生三子長曰微子落次曰中行李曰紂紂之母為后帝乙欲立落

為太子太史據法爭之曰有妻之子不可立妾之子乃立紂紂卒以暴虐亡殷國孔玄義曰物之大者莫

若於天推父比天與之相配行孝之大莫大於此所謂嚴父莫大於配天也又孔氏曰禮記稱萬物本乎

天人本乎祖俱為其本可以相配故王者皆以祖配天謚法除殘去虐曰湯然謚法起於周蓋殷人先有

此號周人遂引以為謚法分以季札而君吳則太伯扶問翻長知兩翻卒子恤翻

血食矣

吳王壽夢有子四人長曰諸樊次曰餘祭次曰餘昧次曰季札季札賢壽夢欲立之季札

讓不可於是立諸樊諸樊卒以授餘祭欲立兄弟以次相傳必致國於季札季札終讓而逃之其後諸樊之子先與餘昧之子僚爭國至於夫差吳遂以亡宗廟之祭用牲故曰血食太伯吳立國之君范甯曰太者

善大之稱伯者長也周太王之元子故曰太伯然二
陸德明曰壽夢莫公翻餘祭側介翻餘昧音末

子寧亡國而不為者誠以禮之大節不可亂也故曰

禮莫大於分也夫禮辯貴賤序親疎裁羣物制庶事

非名不著非器不形名以命之器以別之

夫音扶別彼列翻

然後上下粲然有倫此禮之大經也名器既亡則禮

安得獨在哉昔仲叔于奚有功於衛辭邑而請繁纓

孔子以為不如多與之邑惟名與器不可以假人君

之所司也政亡則國家從之

左傳衛孫桓子帥師與齊師戰于新築衛師敗

績新築人仲叔于奚救孫桓子桓子是以免既而衛人賞之邑辭請曲縣繁纓以朝許之孔子聞之曰不如多與之邑唯名與器不可以假人繁纓馬飾也繁馬鬣上飾纓馬膺前飾晉志註曰纓在馬膺如索帶繁音蒲官翻纓伊

盈翻索昔各翻

衛君待孔子而為政孔子欲先正

名以為名不正則民無所措手足

見論語

夫繁纓小物

也而孔子惜之正名細務也而孔子先之

先悉薦翻

誠以

名器既亂則上下無以相保故也夫事未有不生於

微而成於著聖人之慮遠故能謹其微而治之

治直之翻

同下衆人之識近故必待其著而後救之治其微則用

力寡而功多救其著則竭力而不能及也易曰履霜

堅冰至

坤初六爻辭象曰履霜堅冰陰始凝也馴致其道至堅冰也

書曰一日二

日萬幾

臯陶謨之辭孔安國註曰幾微也言當戒懼萬事之微幾居依翻

謂此類也

故曰分莫大於名也

分扶問翻

嗚呼幽厲失德周道日衰

綱紀散壞下陵上替諸侯專征

謂齊桓公晉文公至悼公以及楚莊王吳

夫差之類

大夫擅政

謂晉六卿魯三家齊田氏之類

禮之大體什喪七八

矣

喪息浪翻

然文武之祀猶綿綿相屬者

屬聯屬也音之欲翻凡聯屬之

屬皆同音

蓋以周之子孫尚能守其名分故也何以言之

昔晉文公有大功於王室請隧於襄王襄王不許曰

王章也未有代德而有二王亦叔父之所惡也不然

叔父有地而隧又何請焉文公於是懼而不敢違太叔

帶之難襄王出居于汜晉文公帥師納王殺太叔帶

既定襄王于邲王勞之以地辭請隧焉王弗許云云

杜預曰闕地通路曰隧此乃王者葬禮也諸侯皆縣

柩而下王章者章顯王者異於諸侯古者天子謂同

姓諸侯為伯父叔父隧音遂惡烏路翻難乃旦翻是

汜音汎勞力到翻闕其月翻縣音玄柩其久翻

故以周之地則不大於曹滕以周之民則不衆於邾

莒

曹滕邾莒春秋時小國莒居許翻

然歷數百年宗主天下雖以晉

楚齊秦之彊不敢加者何哉徒以名分尚存故也至

於季氏之於魯田常之於齊白公之於楚智伯之於

晉

魯大夫季氏自季友以來世執魯國之政季平子逐昭公季康子逐哀公然終身北面不敢篡國田

常即陳恒田氏本陳氏溫公避國諱改恒曰常陳成子得齊國之政殺闕止弑簡公而亦不敢自立史記

世家以陳敬仲完為田敬仲完陳成子恒為田常故通鑑因以為據白公勝殺楚令尹子西司馬子期石

乞曰焚庫弑王不然不濟白公曰弑王不祥焚庫無聚智伯當晉之衰專其國政侵伐鄰國於晉大夫為

最彊攻晉出公出公道死智伯欲并晉而不敢乃奉哀公驕立之其勢皆足以逐君

而自為然而卒不敢者

卒子恤翻終也

豈其力不足而心不

忍哉乃畏姦名犯分而天下共誅之也

姦居寒翻亦犯也分扶問

翻今晉大夫暴蔑其君剖分晉國

史記六國年表定王十六年趙魏韓

滅智伯遂三分晉國

天子既不能討又寵秩之使列於諸侯是

區區之名分復不能守而并棄之也

陸德明經典釋文凡復字其義

訓又者並音扶又翻

先王之禮於斯盡矣或者以為當是之時

周室微弱三晉彊盛

三家分晉國時因謂之三晉猶後之三秦三齊也

雖欲

勿許其可得乎是大不然夫三晉雖彊苟不顧天下

之誅而犯義侵禮則不請於天子而自立矣不請於

天子而自立則為悖逆之臣

夫音扶悖蒲內翻又蒲沒翻

天下苟

有桓文之君必奉禮義而征之今請於天子而天子

許之是受天子之命而為諸侯也誰得而討之故三

晉之列於諸侯非三晉之壞禮乃天子自壞之也

音壞

怪人毀之也

烏呼君臣之禮既壞矣

此壞其義為成則天壞之壞讀如字

則天

下以智力相雄長

兩長知翻

遂使聖賢之後為諸侯者社

稷無不泯絕

謂齊宋亡於田氏魯陳越亡於楚鄭亡於韓也泯彌忍翻盡也又彌鄰翻毛晃

日沒也滅也

生民之類糜滅幾盡

說文曰糜糝也取糜爛之義音忙皮翻幾居依

翻又渠希
翻近也

豈不哀哉

初智宣子將以瑤為後智果曰不如宵也

韋昭曰智宣子晉卿荀躒

之子申也瑤宣子之子智伯也謚曰襄子智果智氏之族也宵宣子之庶子也按謚法聖善周聞曰宣智氏謚也瑤之賢於人者五其不逮者一也

韋昭曰不仁也

美鬢長大

則賢

通鑑俗傳寫者多作美鬢非也國語作美鬢今從之

射御足力則賢技藝畢

給則賢巧文辯慧則賢

韋昭曰給足也巧文巧於文辭也伎渠綺翻

彊毅果

敢則賢如是而甚不仁夫以其五賢陵人而以不仁行

之其誰能待之

韋昭曰待猶假也

若果立瑤也智宗必滅弗聽

智果別族於太史為輔氏

此事見國語按左傳哀公二十三年晉荀瑶伐齊始見于

傳哀二十三年史記元王五年也荀躒智文子也定十

四年智文子猶見于傳智宣子之事傳無所考立瑤之

議當在元王五年之前韋昭曰太史掌氏姓周禮春官

之屬小史掌定世繫辨昭穆鄭司農注云史官主書故

韓宣子聘魯觀書于太史世繫謂帝繫世本之屬是也

小史主定之賈公彥疏曰註引太史證之者太史史官

之長共其事故也蓋周之制小史定姓氏其書則太史

掌之智果欲避智氏之禍故於太史別族宋祁國語補

音別彼列趙簡子之子長曰伯魯幼曰無恤

趙簡子文子之孫鞅

翻又如字

也謚法一德不懈曰簡白虎通曰子孳也孳孳

無已也趙岐曰子者男子之通稱也長知兩翻

將置後

不知所立乃書訓戒之辭於二簡

孔穎達曰書者舒也書緯璇璣鈴云書者

如也則書者寫其言如其意得展舒也世本曰沮誦蒼頡作書釋文曰書庶也紀庶物也亦言著也著之簡紙求不滅也簡竹策也以授二子曰謹識之識職吏翻記也三年而問之伯

魯不能舉其辭求其簡已失之矣問無恤誦其辭甚習

習熟也

求其簡出諸袖中而奏之

毛晃曰奏進上也

於是簡子以

無恤為賢立以為後簡子使尹鐸為晉陽

姓譜尹少昊之子封于尹

城子孫因為氏韋昭曰晉陽趙氏邑為治也班志曰晉陽故詩唐國周成王滅唐封弟叔虞龍山在西晉水所出東入汾臣瓚曰所謂唐今河東永安縣是也去晉四百里括地志曰晉陽故城今名晉城在蒲州虞鄉縣西今按水經注晉水出晉陽縣西龍山昔智伯遏晉水以灌晉陽其水分為二流北瀆即智氏故渠也洄過水出

沾縣北山西過榆次縣南又西到晉陽縣南榆次縣南水側有鑿臺戰國策所謂智伯死於鑿臺之下即此處也參而考之晉陽故城恐不在蒲州水經注又云叔虞封於唐縣有晉水故改名為晉子夏序詩此晉也而謂之唐是也與班志合瓚請曰以為繭絲乎抑為保障乎說及括地志未知何據

簡子曰保障哉

繭絲謂浚民之膏澤如抽繭之緒不盡則不止保障謂厚民之生如築堡以自

障愈培則愈厚宋祁曰障之亮翻又音章

尹鐸損其戶數

韋昭曰損其戶數則民優而稅少簡

子謂無恤曰晉國有難而無以尹鐸為少

而汝也難乃旦翻患也既

也少音多少之少重之為多輕之為少

無以晉陽為遠必以為歸及智宣

子卒

卒子恒翻

智襄子為政

謚法有勞定國曰襄為政為晉國之政

與韓康子

魏桓子宴於藍臺

韓康子韓宣子之曾孫莊子之子處也魏桓子魏獻子之子曼多之孫駒

也謚法溫柔恕恭曰康辟土服遠曰桓爾雅四方而高曰臺

智伯戲康子而侮段規

姓譜段鄭共叔段之後

智國聞之諫曰主不備難難必至矣

春秋以來

大夫之家臣謂大夫曰主難乃旦翻下同

智伯曰難將由我我不為難誰敢

興之對曰不然夏書有之一人三失怨豈在明不見是

圖

書五子之歌之辭夏戶雅翻見賢遍翻發見也著也形也

夫君子能勤小物故無

大患今主一宴而恥人之君相

夫音扶段規韓康子之相也相息醬翻下同

又弗備曰不敢興難無乃不可乎螭蟻蜂蠆皆能害人

宋祁曰：蝮如蛻，翻又字林。又劣翻。秦人謂蚊為蝮。今按：蝮小蟲，日中羣集，人之肌膚而最其血蚊之類也。蜂細腰而能螫人，蠶亦毒蟲，長尾音丑，邁翻。况君相乎？弗聽。智伯請地於韓康。

子康子欲弗與。段規曰：「智伯好利而懷不與，將伐我，不

如與之，彼狃於得地。」

好呼到翻，懷弼力翻，狃也。狃，女九翻，驕怏也。又相狎也。

必請

於他人，他人不與，必嚮之以兵。然後我得免於患而待

事之變矣。康子曰：「善。」使使者致萬家之邑於智伯。

毛晃曰：邑。

都邑四井為邑，四邑為丘，邑方二里，丘方四里，載師以公邑之田任甸地，以家邑之田任稍地。註：公邑謂六遂餘地，家邑大夫之采地，此又與四井之邑不同。又都國都邑縣也。左傳：凡邑有先君宗廟之主曰都，無曰邑。

曰築都曰城此謂大縣邑也杜預引周禮四縣為都四井為邑恐誤四井之邑方二里豈能容宗廟城郭如論語十室之邑西都賦都都相望邑邑相屬則是四縣四井之都邑也若千室之邑萬家之邑則非井邑矣項安世曰小司徒井牧田野以四井為邑凡三十六家除公田四夫凡三十二家遂大夫會為邑者之政以里為邑凡二十五家遂大夫蓋論里井之制二十五家共一里門即六鄉之二十五家為一間也小司徒蓋論溝洫之制四井為邑共用一溝即匠人所謂井間廣四尺深四尺謂之溝也居則度人之衆寡溝則度水之衆寡此其所以異歟毛項二說皆明周制參而考之戰國之所謂邑非周制矣致送至也

智伯悅又求地

於魏桓子桓子欲弗與任章曰何故弗與

任章魏桓子之相也姓譜

黃帝二十五子十二人各以德為姓第一曰任氏又任為風姓之國實太昊之後主濟祀今濟州任城即其地

任市桓子曰無故索地故弗與任章曰無故索地諸大

林翻夫必懼

索山客翻求也

吾與之地智伯必驕彼驕而輕敵此懼

而相親以相親之兵待輕敵之人智氏之命必不長矣

周書曰將欲敗之必姑輔之將欲取之必姑與之

逸書也敗

補邁翻

主不如與之以驕智伯然後可以擇交而圖智氏

矣奈何獨以吾為智氏質乎

質貽利翻物相綴當也又質讀如字亦通質謂椹質

也質的也椹質受斧質的受矢言智伯怒魏桓子必加兵於魏如椹質之受斧質的之受矢也

桓子曰

善復與之萬家之邑一

復扶又翻

智伯又求蔡臯狼之地於

趙襄子

康曰皋姑勞切狼盧當切春秋蔡地後為趙邑余據春秋之時晉楚爭盟晉不能越鄭而服蔡

三家分晉韓得成皋因以并鄭時蔡已為楚所滅鄭之南境亦入于楚就使皋狼為蔡地趙襄子安得而有之

漢書地理志西河郡有皋狼縣又有蘭縣漢之西河春秋以來皆為晉境而古文蘭字與蔡字近或者蔡字其

蘭字之訛也

襄子弗與智伯怒帥韓魏之甲以攻趙氏

帥讀日率

襄子將出曰吾何走乎

走則豆翻疾趨之也趨七喻翻

從者曰長子近

且城厚完

從才用翻長子縣周史辛伯所封邑班志屬上黨郡陸德明曰長子之長丁丈翻顏師古

曰長讀為短長之長今讀為長幼之長非也崔豹古今注曰城盛也所以盛受民物也淮南子曰蘇作城盛時

征襄子曰民罷力以完之

罷讀日疲

又斃死以守之其誰與

我

韋昭曰謂誰與我同力也

從者曰邯鄲之倉庫實

邯鄲即春秋邯鄲午之邑也班

志邯鄲縣屬趙國張晏曰邯鄲山在東城下鄲盡也城

郭從邑故荀加邑宋白曰邯鄲本衛地後屬晉七國時

為趙都趙敬侯自晉陽始都邯鄲余按史記六國年表

周安王之十六年趙敬侯之元年烈王之二年趙成侯

之元年成侯一十二年魏克邯鄲是年顯王之十六年

也二十四年魏歸邯鄲若敬侯已都邯鄲魏克其國都

而趙不亡何也至顯王二十二年公子范襲邯鄲不勝

而死是年肅侯之三年也意此時趙方都邯鄲蓋肅侯

徙都非敬侯也邯音襄子曰浚民之膏澤以實之

寒邯音丹康多寒翻

煎也讀曰醺宋祁曰浚蘇俊翻醺子召翻余

謂浚讀當如宋音浚者疏淪也淘也深也

又因而殺

之其誰與我其晉陽乎先主之所屬也

古者諸侯之大夫其家之臣子

皆稱之曰主死則曰先主
考左傳可見已屬陟玉翻

尹鐸之所寬也民必和矣乃

走晉陽三家以國人圍而灌之城不浸者三版

高二尺為一版

三版六尺沈竈產鼃民無叛意

沈時林翻顏師古漢書音義曰鼃龜也似蝦蟇而長脚其

色青吏游急就章曰蛙蝦蟇陸佃埤雅曰鼃似蝦蟇而長脚瞋目如怒鼃與蛙同音下蝸翻

智伯行

水據經典釋文凡巡行之

魏桓子御韓康子驂乘

兵車尊者

行音下孟翻後倣此

居左執弓矢御者居中有力者居右持矛以備傾側所謂車右是也韓魏畏智氏之彊一為之御一為之右驂

與參同參者三也三人同車則曰驂乘四人同車則曰駟乘左傳齊伐晉燭庸之越駟乘杜預注曰四人共乘

者殿車乘石證翻

智伯曰吾乃今知水可以亡人國也桓子肘

康子康子履桓子之跗以汾水可以灌安邑絳水可以

灌平陽也

跗音夫足趾也班志汾水出汾陽北山汾陽縣屬太原郡安邑縣屬河東郡史記正義曰

安邑故城在絳州夏縣東北十五里應劭曰絳水出河東絳縣西南平陽縣亦屬河東郡安邑魏絳始居邑平陽韓武子玄孫貞子始居之桓康二子之肘足接蓋各為都邑慮也水經注曰絳水出絳縣西南蓋以故絳為言其水出絳山東西北流而合于澮猶在絳縣界中智伯所謂汾水可以灌安邑或有之絳水可以灌平陽未識所由余謂自春秋之季至于元魏歷年滋多郡縣之離合川谷之遷改有不可以一時所睹為據者史記正義曰韓初都平陽今晉州也括地志曰絳水一名白今名沸泉源出絳山飛泉奮湧揚波注縣積壑三十餘大望之極為奇觀可接引北灌平陽城鄴道元父範歷仕三齊少長齊地熟其山川後入關死于道未嘗至河

東也此蓋因耳學而致疑括地志成於唐之魏王泰泰者太宗之愛子羅致天下一時名儒以作此書其考據宜詳當取
以為據 絺疵謂智伯曰韓魏必反矣智伯曰子何以

知之絺疵曰以人事知之夫從韓魏之兵以攻趙趙亡

難必及韓魏矣

夫音扶難乃旦翻

今約勝趙而三分其地城不

沒者三版人馬相食城降有日而二子無喜志有憂色

是非反而何明日智伯以絺疵之言告二子二子曰此

夫讒人欲為趙氏游說使主疑於二家而懈於攻趙氏也不然夫二家豈不利朝夕分趙氏之田而欲為危難

不可成之事乎二子出絺疵入曰主何以臣之言告二

子也智伯曰子何以知之對曰臣見其視臣端而趨疾

知臣得其情故也智伯不悛絺疵請使於齊夫音扶餘並同難乃

旦翻降戶江翻下也服也說輸芮翻懈居隘翻急也危難如字悛丑緣翻改也止也絺抽遲翻姓也康曰絺當

作郝姓譜諸書未有從絲者疑借字余按姓譜絺姓周蘇忿生支子封於絺因氏焉為趙之為音于偽翻使疏

吏翻疵請出趙襄子使張孟談潛出見二子曰臣聞脣使以避禍也

亡則齒寒今智伯帥韓魏以攻趙趙亡則韓魏為之次

矣帥讀二子曰我心知其然也恐事未遂而謀泄則禍

立至矣張孟談曰謀出二主之口入臣之耳何傷也二

子乃潛與張孟談約為之期日而遣之姓譜張氏本自軒轅第五子揮

始造弦寔張網羅世掌其職後因氏焉風俗傳云張王

李趙黃帝所賜姓也又晉有解張字張侯自此晉國有

張氏唐姓氏譜張氏出自姬姓黃帝子少昊青陽氏第

五子揮正始制弓矢子孫賜姓張周宣王卿士張仲其

後裔事晉襄子夜使人殺守隄之吏而決水灌智伯軍

為大夫即

智伯軍救水而亂韓魏翼而擊之襄子將卒犯其前

亮翻又音如字將領也卒臧沒翻說文吏人大敗智伯

給事者衣為卒卒衣有題識其字從衣從十

之衆以此敗彼曰遂殺智伯盡滅智氏之族史記六國年表三晉

滅智氏在周定王十六年上距獲麟二十七
年皇甫謐曰元王十一年癸未三晉滅智伯
唯輔果在
以別
族也

臣光曰智伯之亡也才勝德也夫才與德異而世俗

莫之能辯

扶夫音

通謂之賢此其所以失人也夫聰察

彊毅之謂才正直中和之謂德才者德之資也德者

才之帥也

夫音扶帥所類翻

雲夢之竹天下之勁也

書禹貢雲土夢

作又孔安國注云雲夢之澤在江南左傳楚王以鄭
伯田江南之夢杜預注云楚之雲夢跨江南北班志
雲夢澤在南郡華容縣南祝穆曰據左傳邲夫人弃
子文於夢中言夢而不言雲楚子避吳入于雲中言

雲而不言夢則知雲夢二澤也漢陽志雲在江之北
夢在江之南又安陸有雲夢澤枝江有雲夢城蓋古
之雲夢澤甚廣而後世悉為邑居聚落故地之以雲
夢得名者非一處竹箭之產荆楚為良雲夢楚之地
也夢如字然而不矯揉不羽括則不能以入堅矯舉
又莫公翻

揉如久翻康曰揉曲為矯揉所以撓曲而使之直
也羽者箭翎括者箭窟受弦處括音聒通作箬
崇

谿之金天下之利也

左傳楚封吳夫概王於崇谿戰國之時其地屬韓出金甚精利

劉昭郡國志汝南郡吳房縣有崇谿亭杜佑通典曰
崇谿在今汝州郾城縣界九域志蔡州有冶爐城韓

國鑄劍

然而不鎔範不砥礪則不能以擊彊

毛晃曰鎔銷也

鑄也說文鑄器法也董仲舒傳猶金在鎔註鎔謂鑄
器之模範範法也式也禮運範金合土砥軫氏翻柔

石也礪力
制翻礪也

是故才德全盡謂之聖人才德兼亡謂之

愚人德勝才謂之君子才勝德謂之小人凡取人之

術苟不得聖人君子而與之與其得小人不若得愚

人何則君子挾才以為善小人挾才以為惡挾才以

為善者善無不至矣挾才以為惡者惡亦無不至矣

挾
翻

愚者雖欲為不善智不能周力不能勝譬如乳

狗搏人人得而制之

挾戶
翻朱元晦曰挾者兼有
而恃之之稱勝音升乳
孺遇翻

乳育也乳狗育子
之狗也搏伯各翻

小人智足以遂其奸勇足以決其

暴是虎而翼者也其為害豈不多哉虎而傳翼其為害也愈甚夫

德者人之所嚴嚴敬也而才者人之所愛愛者易親嚴

者易疎

易以歧翻

是以察者多蔽於才而遺於德自古昔

以來國之亂臣家之敗子才有餘而德不足以至于

顛覆者多矣豈特智伯哉故為國為家者苟能審於

才德之分而知所先後

先悉薦翻後戶適翻

又何失人之足患

哉

三家分智氏之田趙襄子漆智伯之頭以為飲器

說文秦本

汁可以繫物下從水象黍如水滴而下也漢書張騫傳
匈奴破月氏王以其頭為飲器韋昭註曰飲器柶榼也
晉灼曰飲器虎子屬也或曰飲酒之器也師古曰匈奴
嘗以月氏王頭與漢使飲血盟然則飲酒之器是也韋
云柶榼晉云虎子皆非也柶榼即今之偏榼所以盛酒
耳非用飲者也虎子襲器所以洩便者柶音華榼克合
翻氏音支使疏吏翻軟色甲翻盛時

征翻

襲息列

翻洩

疏鳩

翻便

毘連

翻

智伯

之臣

豫讓欲

為之報仇

豫姓也

讓名也

戰國之時

人有豫且

乃詐為

不知其同時否也為音子偽翻下同

乃詐為

乃詐為

乃詐為

乃詐為

刑人挾匕首入襄子宮中塗廁

挾持也

劉向曰

匕首短

劍鹽鐵論曰

匕首長尺

八寸頭類匕故云匕首匕音此廁初吏翻圖也長直亮翻

襄子

如廁

心動

索之

獲豫

獲豫

讓客

索山

左右

欲殺

之襄子

曰智伯

死無後

而此人

欲為

讓客

讓客

讓客

報仇真義士也吾謹避之耳乃舍之

舍讀捨

豫讓又漆身

為癩吞炭為啞

癩落蓋翻惡疾也啞倚下翻瘡也

行乞於市

神農日中為市致天

下之民聚天下之貨交易而退此立市之始也鄭氏周禮注曰市雜聚之處

其妻不識也行

見其友其友識之為之泣曰以子之才臣事趙孟必得

近幸

自春秋之時趙宣子謂之宣孟趙文子謂之趙孟其後邈襲而呼為趙孟孟長也

子乃為

所欲為顧不易邪

易以豉翻

何乃自苦如此求以報仇不亦

難乎豫讓曰既已委質為臣

經典釋文曰質職日翻委質委其體以事君也後漢

書註委質屈膝

而又求殺之是二心也凡吾所為者極難耳然

所以為此者將以愧天下後世之為人臣懷二心者也

襄子出豫讓伏於橋下襄子至橋馬驚索之得豫讓遂

殺之自智宣子立瑤至豫讓報仇其事皆在威烈王二十三年之前故先以初字發之溫公之意蓋以天

下莫大於名分觀命三大夫為諸侯之事則知周之所

以益微七雄之所以益盛莫重於宗社觀智趙立後之

事則知智宣子之所以失趙簡子之所以得君臣之義

當守節伏死而已觀豫讓之事則知策名委質者必有

實而無貳其為後世襄子為伯魯之不立也有子五人

不肯置後封伯魯之子於代代國在夏屋句注北趙襄子滅之班志有代郡代縣

為子偽翻夏戶雅翻曰代成君早卒成謚也謚法安立其子浣為

趙氏後

浣戶管翻

襄子卒弟桓子逐浣而自立

史記六國表威烈王元年

襄子卒二年趙桓子元年卒明年國人立獻侯浣浣索隱作晚卒子恤翻下同

一年卒趙氏之

人曰桓子立非襄主意乃共殺其子復迎浣而立之是

為獻子

復扶又翻又音如字獻子即獻侯六國表威烈王三年獻侯之元年蓋分晉之後三晉僭侯久

矣謚法知質有聖曰獻

獻子生籍是為烈侯

謚法有功安民曰魏烈秉德尊業曰烈

斯者魏桓子之孫也是為文侯

謚法學勤好問曰文慈惠安民曰文

韓康

子生武子武子生虔是為景侯

謚法克定禍亂曰武布義行剛曰景六國表威

烈王二年魏文侯斯元年十八年韓景侯虔元年蓋其在國僭爵已久不敢以通王室威烈王遂因而命之識

者重為周惜通鑑於
此序三家之世也
魏文侯以卜子夏田子方為師以

官為氏田本出於陳陳敬仲以陳為田氏徐廣曰始食
采地由是改姓田氏索隱曰陳田二聲相近遂為田氏

夏戶每過段干木之廬必式
過工禾翻唐人志氏族曰李耳字伯陽一字聃其後

有李宗魏封於段為干木大夫是以段為氏也余按通
鑑赧王四十二年魏有段干子則段干復姓也書武王

式商容問註云式其問巷以禮賢記曲禮國君撫式士
下之註云升車必正立據式小倪崇敬也師古曰式車

前橫木古者立乘凡言式車者謂俛首撫式以禮敬人
孔穎達曰式謂俯下頭也古者車箱長四尺四寸而三

分前一後二橫一木下去車牀三尺三寸謂之為式又
於式上二尺二寸橫一木謂之較較去車牀凡五尺五

寸於時立乘若平常則憑較故詩云倚重較兮是也若
應為敬則落隱下式而頭得俯俛故記云式視馬尾是

也較訖岳翻四方賢士多歸之文侯與羣臣飲酒樂而天雨

命駕將適野左右曰今日飲酒樂天又雨君將安之文

侯曰吾與虞人期獵雖樂豈可無一會期哉乃往身自

罷之

周禮有山虞澤虞以掌山澤注云虞度也度知山林之大小及其所生身自罷之者身往告之以雨

而罷獵也樂音洛

韓借師於魏以伐趙文侯曰寡人與趙兄弟

也不敢聞命趙借師於魏以伐韓文侯應之亦然二國

皆怒而去已而知文侯以講於已也

講和也

皆朝于魏

朝直

遙翻魏於是始大於三晉諸侯莫能與之爭使樂羊伐中

山克之

樂姓也本自有殷微子之後宋戴公四世孫樂呂為大司寇中山春秋之鮮虞也漢為中山郡

宋白曰唐定州春秋白狄鮮虞之地隋圖經曰中山城在今唐昌縣東北三十一里中山故城是也杜佑曰城

中有山故曰中山

以封其子擊文侯問於羣臣曰我何如主皆

曰仁君任座曰君得中山不以封君之弟而以封君之

子何謂仁君文侯怒任座趨出

任座亦習見當時鄰國之事而為是言耳任座

壬座一作座音才戈翻

次問翟璜

翟姓也音直格翻又音狄姓譜翟為晉所滅子孫以國為氏今

人多讀從上音璜戶光翻

對曰仁君文侯曰何以知之對曰臣聞君

仁則臣直嚮者任座之言直臣是以知之文侯悅使翟

璜召任座而反之親下堂迎之以爲上客文侯與田子

方飲文侯曰鐘聲不比乎

比音毗不比言不和也

左高

此蓋編鐘之懸左高

故其聲不和

田子方笑文侯曰何笑子方曰臣聞之君明樂

官不明樂音今君審於音臣恐其聾於官也

明樂官知其才不才

明樂音知其和不和五聲合和然後成音詩大序曰聲成文謂之音

文侯曰善子擊出遭

田子方於道下車伏謁

古文考曰黃帝作車引重致遠少昊氏加牛禹時奚仲加馬釋

名曰車居也韋昭曰古唯尺遮翻自漢以來始有居音蕭子顯曰三皇氏乘祇車出谷口車之始也祇翹移翻

子方不爲禮子擊怒謂子方曰富貴者驕人乎貧賤者

驕人乎子方曰亦貧賤者驕人耳富貴者安敢驕人國
君而驕人則失其國大夫而驕人則失其家失其國者
未聞有以國待之者也失其家者未聞有以家待之者
也夫士貧賤者言不用行不合則納履而去耳安往而
不得貧賤哉子擊乃謝之

夫音扶行
下孟翻

文侯謂李克曰先

生嘗有言曰家貧思良妻國亂思良相今所置非成則

璜二子何如

李氏出自顓頊曾孫皋陶為堯大理以官
命族為理氏商紂時裔孫利貞逃難食木

子得全改為李氏置言置
相也相息亮翻難乃旦翻

對曰卑不謀尊疏不謀戚臣

在闕門之外不敢當命

在闕門之外謂䟽遠也

文侯曰先生臨事

勿讓克曰君弗察故也居視其所親富視其所與達視

其所舉窮視其所不為貧視其所不取五者足以定之

矣何待克哉文侯曰先生就舍吾之相定矣

相息亮翻

李克

出見翟璜翟璜曰今者聞君召先生而卜相果誰為之

克曰魏成翟璜忿然作色曰西河守吳起臣所進也

班志

魏地其界自高陵以東盡河東河內高陵縣漢屬馮翊其地在河西所謂西河之外者也魏初使吳起守之秦兵不敢東向至惠王時秦使衛鞅擊虜其將公子卬遂獻西河之外於秦吳以國為姓相息亮翻守式又翻

君內以鄴為憂臣進西門豹

班志鄴縣屬魏郡西門豹為鄴令鑿渠以利民王符

潜夫論姓氏篇曰如有東門西郭南宮北郭皆因居以為姓西門蓋亦此類鄴魚怯翻

君欲伐中

山臣進樂羊中山已拔無使守之臣進先生君之子無

傳臣進屈侯鮒

傳者傳之以德義因以為官名傳芳遇翻屈九勿翻姓也余按屈晉地時屬魏

鮒蓋魏封屈侯也鮒音符遇翻

以耳目之所睹記臣何負於魏成

不勝為負

李克曰子言克於子之君者豈將比周以求大官哉

毗此

至翻阿黨為比

君問相於克克之對如是

李克自叙其答魏文侯之言也

所以

知君之必相魏成者魏成食祿千鍾

孔穎達曰祿者穀也故鄭注司錄云

祿也言穀年穀豐然後制祿援神契云祿者錄也白虎通曰上以收錄接下以名錄謹以事上是也六斛四

斗為什九在外什一在內是以東得卜子夏田子方段

干木夏戶雅翻此三人者君皆師之子所進五人者君皆臣

之子惡得與魏成比也惡讀曰鳥何也翟璜逡巡再拜曰璜鄙

人也失對願卒為弟子逡巡七倫翻逡巡却退貌卒子恤翻終也孔穎達曰先生師也謂

師為先生者言彼先已而生其德多厚也自稱為弟子者言已自處如弟子則尊其師如父兄也吳起

者衛人仕於魯齊人伐魯魯人欲以為將起取齊女為

妻將即亮翻下同取讀曰娶孔穎達曰妻之為言齊也以禮見問得與夫敵體也魯人疑之起

殺妻以求將大破齊師或譖之魯侯曰起始事曾參

世本

曰曾姓出自鄆國陸德明曰參所金翻一音七南翻

母死不奔喪曾參絕之今又

殺妻以求為君將起殘忍薄行人也

孟行下翻

且以魯國區

區而有勝敵之名則諸侯圖魯矣起恐得罪聞魏文侯

賢乃往歸之文侯問諸李克李克曰起貪而好色

好呼倒翻

然用兵司馬穰苴弗能過也

司馬官名穰苴本齊田姓仕齊為是官故以稱之齊

景公之賢將也穰如羊翻苴子余翻

於是文侯以為將擊秦拔五城起之

為將與士卒最下者同衣食臥不設席行不騎乘

騎馬為騎

乘車為乘言起與士卒同其勞苦行不用車馬也

親裹贏糧

師古曰贏擔也此言起親裹士卒所

齋擔之糧

與士卒分勞苦卒有病疽者起為吮之

余疽七翻

癰也吮徐兗翻說文嗽也康所角翻

卒母聞而哭之人曰子卒也而將軍

自吮其疽何哭為母曰非然也往年吳公吮其父疽其

父戰不旋踵遂死于敵吳公今又吮其子妾不知其死

所矣是以哭之燕渚公薨子僖公立

燕自召公奭受封於北燕其地

則唐幽州薊縣故城是也自召公至渚公三十二世燕因肩翻渚讀與閔同謚法使民悲傷曰閔小心畏忌曰僖

二十四年王崩子安王驕立 盜殺楚聲王國人立其

子悼王

周成王封熊繹於楚姓芊氏居丹陽今枝江縣故丹陽城是也括地志曰歸州秭歸縣丹陽城

熊繹之始國其後彊大北封畛於汝南并吳越地方五千里自熊繹至聲王三十世索隱曰聲王名當悼王名疑謚法不生其國曰聲注云生於外家年中早夭曰悼注云年不稱志又云恐懼從處曰悼注云從處言險地也

安王

謚法好和不爭曰安

元年秦伐魏至陽狐

周孝王邑非子於秦徐廣曰今隴西縣秦亭是也括地志曰秦州清

水縣本名秦十三州志曰秦亭秦谷是也至襄公取周地穆公霸西戎日以彊大是年秦簡公之十四年也自

非子至簡公二十八世陽孤史記作陽孤正義引括地志曰陽孤郭在魏州元城縣東北三十里余按此時西河之外皆為魏境若秦兵至元城則是越魏都安邑而東矣水經注河東垣縣有陽壺城九域志絳州有陽壺城姑識之以廣異聞且俟知者

二年魏韓趙伐楚至桑丘

水經注潞水自葛陂東南逕新蔡縣故城東而東南流注

於汝水又東南逕下桑里左迪為橫塘陂史記作乘丘正義地理志乘丘故城在兗州瑕丘縣西北三十五里

當從

鄭圍韓陽翟

周宣王封其弟友于鄭杜預世族譜曰封於咸林今京兆鄭邑是也

之

幽王無道友徙其人於號鄆之間遂有其地今河南新

鄭是也友謚桓公是年鄭繻公駘之二十三年自桓公

至繻公二十二世班志陽翟縣屬潁川郡索隱曰

韓

翟音狄溫公類篇音長伯翻繻詢趨翻駘堂來翻

景侯薨子烈侯取立 趙烈侯薨國人立其弟武侯

秦簡公薨子惠公立

謚法愛民好與曰惠

三年王子定奔晉

號山崩壅河

徐廣曰號山在陝裴駰曰弘農陝縣故號

國北號在大陽東號在滎陽括地志曰號山在陝州陝縣西臨黃河今臨河有岡阜似是頽山之餘水經注曰陝城西北帶河水湧起方數十丈父老云石虎載銅翁仲至此沉沒水所以湧洪河巨瀆宜不為金狄梗流蓋魏文侯時號山崩壅河所致耳陝失再翻

四年楚圍鄭鄭人殺其相駟子陽

鄭穆公之子駟字子駟古者以王父之字

為氏子陽其後也相息亮翻駟芳菲翻

五年日有食之

杜預曰日一行遲一歲凡十二交會然日月動

物雖行度有大量不能不小有贏縮故有雖交會而不
食者或有頻交而食者孔穎達曰日月交會謂朔也周
天三百六十五度四分度之一日月皆右行於天一晝
一夜日行一度月行十三度十九分度之七二十九日
日有餘而月行天一周追及於日而與之會交會而日
月同道則食月或在一道表或在日道裏則不食矣又
歷家為交食之法大率以一百七十有三日有奇為限
然月先在裏則依限而食者多若月在表則依限而食
者少杜預見其參差乃云雖行度有大量不能不小有
贏縮故有雖交會而不食者或有頻交而食者此得之
矣蘇氏曰交當朔則日食然亦有交而不食者交而食
陽微而陰乘之也交而不食陽盛而陰不能揜也朱元
晦曰此則繫乎人事之感蓋臣子背君父妾婦乘其夫
小人陵君子四裔侵中國所感如是則陰盛陽微而日

為之食矣是以聖人於春秋每食必書而詩人亦以為醜也今此書年而不書月與晦朔史失之也釋名曰日月虧曰食稍小侵虧如蝨食草木之葉也亦作蝨蝨

三月盜殺韓相俠累俠累

與濮陽嚴仲子有惡仲子聞軹人聶政之勇以黃金百

溢為政母壽欲因以報仇

相息亮翻俠戶頰翻累力追翻濮陽春秋之帝丘漢為濮

陽縣屬東郡應劭曰濮水南入鉅野水北為陽濮博木翻惡如字不善也康烏故翻非軹春秋原邑晉文公所圍者漢為軹縣屬河內郡音只姓譜曰楚大夫食采於聶因以為氏聶尼輒翻溢夷質翻二十四兩為溢

不受曰老母在政身未敢以許人也及母卒仲子乃使

政刺俠累

卒子恤翻刺七亦翻又如字

俠累方坐府上兵衛甚衆聶

政直入上階

上時掌翻

刺殺俠累因自皮面決眼自屠出腸

韓人暴其尸於市

暴步木翻又如字

購問莫能識其姊嫫聞而

往哭之曰是軹深井里聶政也

史記正義曰深井里在懷州濟源縣南三十里

以妾尚在之故重自刑以絕從妾奈何畏歿身之誅終

滅賢弟之名遂死於政尸之旁

皮面以刀髡面而去其皮懸賞以募告者曰購

購古候翻嫫烏莖翻絕從之從讀曰蹤猶自絕其蹤跡又或曰從讀如字謂絕其從坐之罪也

六年鄭駟子陽之黨弑繻公

繻者謚法所不載史記注繻或作繻繻詢趨翻而

立其弟乙

白虎通曰弟悌也心順行篤也行下孟翻

是為康公

宋悼公薨

子休公田立

武王封微子洛於宋唐宋州之睢陽縣是也自微子二十七世至悼公名購由休亦

謚法所
不載

八年齊伐魯取最

武王封太公於齊唐青州之臨淄是也括地志曰天齊水在臨淄東南十

五里封禪書曰齊之所以為齊者以天齊是年康公貸之十一年自太公至康公二十九世成王封伯禽於魯

唐兗州之曲阜是也是年穆公之十

鄭負黍叛復歸

六年自伯禽至穆公凡二十八世
韓據史記繻公之十六年敗韓於負黍蓋以此時取之而今復叛歸韓也劉昭郡國志潁川郡陽城縣有負

黍聚古今地名云負黍山在陽城縣西南二十七里或云在西南三十五里

九年魏伐鄭

晉烈公薨子孝公頃立

周成王封弟叔虞於唐括地志

曰故唐城在并州晉陽縣北二里堯所築也都城記曰唐叔虞之子燮父徙居晉水旁今并州理故唐城即燮父初徙之處其城南半入州城中毛詩譜曰燮父以堯墟南有晉水改曰晉侯自唐叔至烈公三十七世烈公名止謚法慈惠愛親曰孝

十一年秦伐韓宜陽取六邑

班志宜陽縣屬弘農郡史記正義曰宜陽縣故城在

河南府福昌縣東十四里故韓城是也此邑即周禮四井為邑之邑

初田常生襄子盤

盤生莊子白白生太公和

此序齊田氏之世也田常即左傳陳成子恒也溫公避宋

仁廟諱改恒曰常自陳公子完奔齊是歲齊田和遷齊五世至常得政謚法勝敵志強曰莊

康公於海上使食一城以奉其先祀

十二年秦晉戰于武城

此非魯之武城左傳晉陰飴甥會秦伯盟于王城杜預曰馮翊

臨晉縣東有王城今名武鄉括地志武城一名武平城在華州鄭縣東北十三里

齊伐魏取

襄陽

陽當作陵徐廣曰今之南平陽也余據晉志南平陽縣屬山陽郡班志陳留郡有襄邑縣師古曰因

稱云襄邑宋地本承匡襄陵鄉也宋襄公所葬故曰襄陵秦始皇以承匡卑濕徙縣襄陵因曰襄邑

魯

敗齊師于平陸

班志東平國有東平陸縣戰國時之平陸也史記正義曰平陸兗州縣即古厥

國宋白曰鄆州中都縣漢為平陸縣史記魯敗齊師于平陸是也收補邁翻

十三年秦侵晉 齊田和會魏文侯楚人衛人于濁澤

康曰濁水名漢志濁水出齊郡廣縣媯山余謂康說誤矣徐廣史記注曰長社有濁澤水經注曰皇波水出胡

城西北胡城潁陰之孤人亭也皇陂古長社之濁澤也
記諸侯相見於郤地曰會孔穎達曰諸侯未及期而相
見曰過會者謂及期之禮
既及期又至所期之地
求為諸侯魏文侯為之請於

王及諸侯王許之

為之為
于偽翻

十五年秦伐蜀取南鄭

譜記晉云蜀之先肇自人皇之
際黃帝子昌意娶蜀山氏女生

帝侖既立封其支庶于蜀歷虞夏商周周褒先稱王者
蠶叢余據武王伐紂庸蜀諸國皆會于牧野孔安國曰

蜀史也春秋之時不與中國通班志南鄭縣屬
漢中郡唐為梁州治所侖通作譽音括沃翻

魏文

侯薨太子擊立

王者以嫡長子為太子謂之國儲副君
諸侯曰世子周褒率上僭孔穎達曰太

者大中之大也上
時掌翻長知兩翻

是為武侯武侯浮西河而下

西河即
禹貢之

龍門
西河

中流顧謂吳起曰美哉山河之固此魏國之寶也

對曰在德不在險昔三苗氏左洞庭右彭蠡德義不修

禹滅之

武陵長沙零桂之水匯為洞庭周七百里彭蠡澤在漢豫章郡彭澤縣西書有苗弗率汝祖征

三苗所居蓋今江南西道之地蠡里第翻

夏桀之居左河濟右泰華伊闕在

其南羊腸在其北修政不仁湯放之

濟水出河東垣縣王屋山南流貫河

而南合于滎潰禹貢所謂導洧水東流為濟溢為滎者也自漢築滎陽石門而濟與河合流而注于海不入滎潰禹貢所謂導洧水東流為濟入于河桀都安邑蓋恃以為險泰華山在京兆華陰縣南水經伊水出南陽縣西荀渠山東北流至河南新城縣又東南過伊闕中大禹所鑿也兩山相對望之若闕左傳女寬守闕塞即其

地括地志伊闕山在洛州南十九里班志上黨壺關縣有羊腸阪此安邑四履所憑山河之固也書曰成湯放桀于南巢濟子商紂之國左孟門右太行常山在其北禮翻華戶化翻

大河經其南修政不德武王殺之

水經注孟門在河東北屈縣西即龍門上

口也淮南子曰龍門未闢呂梁未鑿河出孟門之上溢而逆流無有邱陵名曰洪水太行山在河內野王縣西

北常山在常山郡上曲陽縣西北河水自孟門南抵華陰屈而東流紂都朝歌河經其南北屈之孟門在朝歌

西北恐不可言左索隱曰孟門別一山在朝歌東此特左右二字之差而誤耳春秋說題辭河之為言荷也荷

精分布懷陰引度也釋名河下也隨地下處而通流也書曰武王勝殷殺紂太行之行戶剛翻北屈陸求忽翻

勿翻居由此觀之在德不在險若君不修德舟中之人皆

敵國也武侯曰善魏置相相田文

相息亮翻此田文非齊之田文

吳起

不悅謂田文曰請與子論功可乎田文曰可起曰將三

軍使士卒樂死敵國不敢謀子孰與起文曰不如子

將即

亮翻樂音洛

起曰治百官親萬民實府庫子孰與起文曰不

如子

治立翻

起曰守西河秦兵不敢東鄉韓趙賓從子孰

與起文曰不如子

鄉讀日向賓從猶言賓服也

起曰此三者子皆出

吾下而位居吾上何也文曰主少國疑大臣未附百姓

不信方是之時屬之子乎屬之我乎

少詩照翻屬子欲翻

起默然

良久曰屬之子矣久之魏相公叔尚主而害吳起

如淳曰天

子嫁女於諸侯必使諸侯同姓者主之故謂之公主帝
姊妹曰長公主諸王女曰翁主師古曰如說得之天子
不親主婚故謂之公主諸王則自主婚故其女曰翁主
翁者父也言父主其婚也亦曰王主言王自主其婚也
揚雄方言云周晉秦隴謂父曰翁而臣瓚王楙或云公
者比於上爵或云主者婦人尊稱皆失之劉貢父曰予
謂公主之稱本出秦舊男為公子女為公主古者大夫
妻稱主故以公配之若謂同姓主之故謂之公主則周
之事秦不知用也古之嫁女禮當如周使大夫主之何
不謂之夫主乎然則謂之王主者猶言王子也謂之公
主者緣公而生耳毛晃曰尚崇也高也貴也飾也加也
尊也娶公主謂之尚言帝王之女尊而尚之不敢言娶
也相息

公叔之僕曰起易去也起為人剛勁自喜

易以
敗翻

亮翻

去起呂翻師古
曰喜許吏翻

子先言於君曰吳起賢人也而君之國

小臣恐起之無留心也君盍試延以女起無留心則必

辭矣子因與起歸而使公主辱子起見公主之賤子也

必辭則子之計中矣

中竹仲翻

公叔從之吳起果辭公主魏

武侯疑之而未信起懼誅遂奔楚楚悼王素聞其賢至

則任之為相起明灋審令

相息亮翻灋古法字

捐不急之官廢公

族䟽遠者以撫養戰鬪之士要在彊兵破遊說之言從

橫者

捐余專翻奔也除去也漢書音義曰以利合曰從以威力相脅曰橫或曰南北曰從從者連南北為

一西鄉以擯秦東西曰橫橫者離山東之交使之
西鄉以事秦說式芮翻從即容翻橫亦作衡音同於是

南平百越

韋昭曰越有百邑

北却三晉西伐秦諸侯皆患楚之

彊而楚之貴戚大臣多怨吳起者秦惠公薨子出公

立

出非謚也以其失國出死故曰出公

趙武侯薨國人復立烈侯之太

子章是為敬侯

謚法夙夜警戒曰敬

韓烈侯薨子文侯立

十六年初命齊大夫田和為諸侯

田氏自此遂有齊國田和是為太公

趙公子朝作亂奔魏與魏襲邯鄲不克

邯音寒音丹

十七年秦庶長改逆獻公于河西而立之殺出子及其

母沈之淵旁

後秦制爵一級曰公士二上造三簪褭四不更五大夫六官大夫七公大夫八公乘

九五大夫十左庶長十一右庶長十二左更十三中更十四右更十五少上造十六大上造十七駟車庶長十八

大庶長十九關內侯二十欲侯師古曰庶長言衆列之長註又詳見下卷顯王十年前據史記威烈王十一

年秦靈公卒子獻公師顯不得立立靈公季父悼子是為簡公出子簡公之孫也今庶長改迎獻公而殺出子

正義曰西者秦州西縣秦之舊地時獻公在西縣故迎立之余謂此言河西非西縣也靈公之卒獻公不得立

出居河西河西者黃河之西蓋漢涼州之地秦當作襲乃了翻更工衡翻乘繩證翻長知大翻

魯

韓伐鄭取陽城

漢陽城縣屬潁川郡是為地中成周於此以土圭測日景

伐宋

執宋公齊太公薨子桓公午立

十九年魏敗趙師于兔臺

史記趙世家曰魏敗我兔臺築剛平正義曰兔臺剛平並

在河北敗

補適翻

二十年日有食之既也既盡

二十一年楚悼王薨貴戚大臣作亂攻吳起起走之王

尸而伏之

之往也往赴王尸而伏其側

擊起之徒因射刺起并中王

尸

射而亦翻刺七亦翻中竹仲翻

既葬肅王即位

謚法剛德克就肅執心決斷曰肅

使

令尹盡誅為亂者

令尹楚相也

坐起夷宗者七十餘家

夷殺也夷

宗者殺其同宗也

二十二年齊伐燕取桑丘魏韓趙伐齊至桑丘

此桑丘非二年

所書楚之桑丘括地志曰桑丘故城俗名敬城在易州遂城縣蓋燕之南界也

二十三年趙襲衛不克

成王封康叔於衛居河淇之間故殷墟也至懿公為狄所滅東

徙度河文公徙居楚丘遂國於濮陽是年慎公額之三十五年自康叔至慎公凡三十二世

齊康

公薨無子田氏遂并齊而有之

姜氏至此滅矣

是歲齊桓公亦

薨子威王因齊立

謚法彊毅訖正曰威訖渠留翻齊桓公田午訖謀也

二十四年狄敗魏師于澮

漢之中山上黨西河上郡自春秋以來狄皆居之此亦其

種也水經澮水出河東絳縣東澮山西北過絳縣南又西南過虎祁宮南又西南至王橋入汾水括地志澮山在

絳州翼城縣東北敗
補邁翻澮古外翻

魏韓趙伐齊至靈丘

史記正義曰靈丘河

東蔚州縣余按蔚州之靈丘即漢代郡之靈丘此時齊
境安能至代北邪此即孟子謂蚩鼃辭靈丘請士師之
地班志曰齊地北有千乘清河以南漢清河郡有靈
縣清河北接趙魏之境此為近之蚩音遲鼃烏花翻

晉孝公薨子靖公俱酒立

諡法柔衆安民曰靖
又恭已鮮言曰靖

二十五年蜀伐楚取茲方

據史記蜀伐楚取茲方楚為
扞關以拒之則茲方之地在

扞關之西劉昭志巴
郡魚復縣有扞關

子思言苟變於衛侯曰其才可

將五百乘

古者兵車一乘甲士三人步卒七十二人五
百乘三萬七千五百人國語曰苟本自黃帝

之子將即亮翻
下同乘繩證翻
公曰吾知其可將然變也嘗為吏賤於

民而食人二鷄子故弗用也子思曰夫聖人之官人猶

匠之用木也

扶夫音

取其所長棄其所短故杞梓連抱而

有數尺之朽良工不棄今君處戰國之世

處昌呂翻

選爪牙

之士而以二卵棄千城之將

詩赴赴武夫公侯千城毛氏傳曰千杆也音戶旦翻

鄭氏箋曰千也城也皆所以禦難也千讀如字

此不可使聞於鄰國也公再拜

曰謹受教矣衛侯言計非是而羣臣和者如出一口

和戶

以子思曰以吾觀衛所謂君不君臣不臣者也

君不君臣不臣

論語載齊景公之言

公丘懿子曰何乃若是

公丘複姓謚法溫柔賢善曰懿

子思

曰人主自臧則衆謀不進

也臧

善事是而臧之猶却衆謀

況和非以長惡乎

和戶臥翻
長知大翻

夫不察事之是非而悅人

讚已闇莫甚焉不度理之所在而阿諛求容諂莫甚焉

度徒
洛翻

君闇臣諂以居百姓之上民不與也若此不已國

無類矣子思言於衛侯曰君之國事將日非矣公曰何

故對曰有由然焉君出言自以為是而卿大夫莫敢矯

其非卿大夫出言亦自以為是而士庶人莫敢矯其非

君臣既自賢矣

白虎通曰君羣也羣下之所
歸心也臣堅也屬志自堅也

而羣下同

聲賢之賢之則順而有福矯之則逆而有禍如此則善

安從生詩曰具曰予聖誰知烏之雌雄

詩正月之辭毛氏傳曰君臣俱

自謂聖也鄭氏箋曰時君臣賢愚適同如烏之雌雄相

似誰能別異之乎又曰烏之雌雄不可別者以翼右掩

左雄左掩右雌陰抑亦似君之君臣乎

魯穆公薨子

共公奮立

謚法布德就義曰穆中情見貌曰穆尊賢敬讓曰共既過能改曰共執事堅固曰共共讀

曰恭

考異曰司馬遷史記六國表周威烈王十九年

甲戌魯穆公元年烈王元年丙午共公元年顯王十七

年己巳康公元年二十六年戊寅景公元年赧王元年

丁未平公元年二十年丙寅文公元年四十二年己丑

項公元年五十九年乙巳周亡秦莊襄元年壬子楚滅

魯按魯世家穆公三十三年卒若元甲戌終乙巳則是

三十二年也共公二十二年卒若元丙午終戊辰則是
二十三年也康公九年卒景公二十五年卒平公二十
二年卒若元丁未終乙丑則是十九年也文公二十三
年卒頃公二十四年楚滅魯班固漢書律厯志文公作
繆公其在位之年與世家異者惟平公二十年耳本志
自魯僖公五年正月辛亥朔旦冬至推之至成公十二
年正月庚寅朔旦冬至定公七年正月己巳朔旦冬至
元公四年正月戊申朔旦冬至康公四年正月丁亥朔
旦冬至繆公二十二年正月丙寅朔旦冬至漢高祖八
年十一月乙巳朔旦冬至武帝元朔六年十一月甲申
朔旦冬至元帝初元二年十一月癸亥朔旦冬至其間
相距皆七十六年此最為得實又與魯世家注皇甫謐
所紀歲次皆合今從之六國表差謬難可盡據也余按
考異自魯僖公五年至漢元帝初元二年六百餘年間
十二月朔旦冬至相距皆七十六年此最為得實又與
魯世家注皇甫謐所紀歲次皆合蓋謂劉彛叟長厯也

且言史記六國表差謬難可盡據又按通鑑目錄編年用劉彛史長歷漢武帝太初元年初用夏正定歷史記歷書是年書闕逢攝提格目錄書彊圉赤奮若闕逢攝提格甲寅也彊圉赤奮若丁丑也有二十四年之差溫公用彛史歷郤康節皇極經世書亦用彛史歷康節少自雄其才既學力慕高遠一見李之才遂從而受學廬于共城百源冬不爐夏不扇夜不就席者數年覃思于易經也皇極經世書不能違彛史歷及其來居于洛而溫公亦奉祠以書局在洛相過從稔又夙所敬者也余意其講明之間必嘗及此而決於用彛史歷讀者異此一段辭意可見

韓文侯薨子哀侯立

二十六年王崩子烈王喜立 魏韓趙共廢晉靖公為

家人而分其地

唐叔不祀矣

烈王

名喜安
王之子

元年日有食之

韓滅鄭因徙都之

韓本都平陽其地屬漢之河東郡中

間徙都陽翟鄭都新鄭其地屬漢之河南郡鄭桓公始封于鄭其地屬漢之京兆後滅虢鄆而國於溱洧之間故曰新鄭左傳鄭莊公所謂吾先君新邑於此是也今韓既滅鄭自陽翟徙都之韓既都鄭故時人亦謂韓王為鄭王考之戰國策韓非子可見

趙敬侯薨子成侯種立

種章
勇翻

三年燕敗齊師於林狐

敗補
邁翻

魯伐齊入陽關

徐廣曰陽關在鉅平

班志鉅平縣屬太山郡拓地志陽關故城在兗州博城縣南二十九里其城之西臨汶水汶音問

魏伐

齊至博陵

史記正義曰博陵在濟州西界宋白曰史記齊威王伐晉至博陵徐廣曰東郡之博平漢

為縣

燕僖公薨子桓公立 宋休公薨子辟公立

辟亦諡法

之所不載

衛慎公薨子聲公訓立

諡法敏以敬曰慎戴記思慮深遠曰慎

四年趙伐衛取都鄙七十三

周禮太宰以八則治都鄙注云都之所居曰鄙都鄙

卿大夫之采邑蓋周之制四縣為都方四十里一千六百井積一萬四千四百大五都為鄙鄙五百家也此時衛國褊小若都鄙七十三以成周之制率之其地廣矣盡衛之提封未必能及此數也更俟博考

魏

敗趙師于北蘭

班志西河郡有蘭縣史記正義曰在石州其地於趙為西北故曰北蘭蘭離進

翻

五年魏伐楚取魯陽

左傳所謂劉累遷于魯縣即魯陽也班志魯陽縣屬南陽郡史記正

義曰今汝州魯山縣

韓嚴遂弑哀侯國人立其子懿侯初哀侯

以韓龐為相而愛嚴遂二人甚相害也嚴遂令人刺韓

龐於朝龐走哀侯哀侯抱之人刺韓龐兼及哀侯

戰國策以

聶政刺韓相事及并中哀侯為一事此從史記蜀本注
曰按太史公年表及韓世家於韓烈侯三年皆書聶政
殺韓相俠累於哀侯六年又皆書嚴遂弑哀侯以刺客
傳考之聶政殺俠累事在哀侯時以戰國策考之亦然
從傳與戰國策則是年表世家於烈侯三年書盜殺俠
累誤矣通鑑於烈侯三年載聶政殺俠累事又於哀侯
六年韓嚴遂弑其君哀侯是從年表世家所書蓋刺客
傳初不言并殺哀侯止戰國策言之通鑑宜以此疑之
歟故載并刺哀侯不書聶政止曰使人以此求之則通
鑑之意不以嚴仲子為嚴遂亦不以俠累為韓龐止從

年表世家而不信其傳也余按溫公與劉道原書亦疑此事鹿戶賄翻相息亮翻刺七亦翻朝直遙翻走音奏

魏武侯薨不立太子子瑩與公中緩爭立國內亂

耕瑩於翻

中讀
曰仲

六年齊威王來朝是時周室微弱諸侯莫朝而齊獨朝

之天下以此益賢威王

朝直遙翻

趙伐齊至鄆

班志濟陰郡有鄆城

縣鄆工豫翻

魏敗趙師于懷

班志河內郡有懷縣魏收地

管內有懷城敗補遙翻

齊威王召即墨大夫語之曰自子之居

即墨也毀言日至

班志即墨縣屬膠東國括地志即墨故城在萊州膠水縣南六十里宋白

曰城臨墨水故曰即

然吾使人視即墨田野辟

辟讀曰闢下同

人民給官無事東方以寧是子不事吾左右以求助也

封之萬家召阿大夫語之曰自子守阿譽言日至

阿即東阿

縣班志屬東郡魯音余稱其美也

吾使人視阿田野不辟人民貧餒昔

日趙攻鄆子不救

鄆工據翻

衛取薛陵子不知

薛陵春秋薛國之墟也班

志薛縣屬魯國而衛國在漢東郡陳留界薛陵屬齊而近於衛故為所取齊後封田嬰於此

是子厚

幣事吾左右以求譽也是日烹阿大夫及左右嘗譽者

於是羣臣聳懼莫敢飾詐務盡其情齊國大治彊於天

下

譽音余治直吏翻

楚肅王薨無子立其弟良夫是為宣王

宋辟公薨子剔成立

剔他歷翻

七年日有食之

王崩弟扁立

據班書古今人表師古注扁音篇

是為

顯王 魏大夫王錯出奔韓

姓譚王氏之所自出非一出太原琅邪者周靈王太

子晉之後北海陳留齊王田和之後東海出自姬姓萬平京兆魏信陵君之後天水東平新蔡新野山陽中山章武東萊河東者殷王子比干為紂所害子孫以王者之後號曰王氏余謂此皆後世以諸郡著姓言之耳春秋之時自有王姓公孫頤謂韓懿侯曰魏亂可取也

公孫

姓也黃帝公孫氏頤渠希翻

懿侯乃與趙成侯合兵伐魏戰于濁澤

大破之遂圍魏

史記正義曰徐廣以為長社濁澤非也括地志云濁水源出蒲州解縣東北平

地爾時魏都安邑韓趙伐魏豈至河南長社邪解縣濁水近于魏都當是也

成侯曰殺瑩立

公中緩割地而退我二國之利也懿侯曰不可殺魏君

暴也割地而退貪也不如兩分之魏分為兩不彊於宋

衛則我終無魏患矣趙人不聽懿侯不悅以其兵夜去

趙成侯亦去瑩遂殺公中緩而立

中讀曰仲

是為惠王太史

公曰魏惠王所以身不死國不分者二國之謀不和也

若從一家之謀魏必分矣故曰君終無適子其國可破

也

索隱曰蓋古人之言及俗
說故云故曰適讀曰嫡

資治通鑑卷一

欽定四庫全書會要卷六千九百八十八

史部

資治通鑑卷二

宋司馬光撰

胡三省音註

周紀二

起昭陽赤奮若盡上章困敦凡四十八年起癸丑終庚子

顯王

十一家諡法行見中外曰顯受祿于天曰顯百辟惟刑曰顯周公蓋未有此諡而周之末

世諡顯王曰顯意謂後世傳寫周公諡法者遺之

元年齊伐魏取觀津

康曰齊伐魏魏惠王請獻觀以和即觀津余按班志信都國有觀津

縣與齊相去甚遠且趙地也又東郡有斟觀縣水經大河故瀆東逕五鹿之野又東逕衛國故城南古斟觀也

此其魏之觀津歟徐廣曰觀今衛縣史記正義曰魏州觀城縣古觀國國語云觀國夏太康第五弟之所封也觀工趙侵齊取長城劉昭志濟北盧縣有長城史記蘇代說燕王曰齊有長城鉅防

此即

三年魏韓會于宅陽

水經注曰滎澤之際有沙城世謂水城非也魏冉走芒卯入北宅即

此宅陽城括地志曰宅陽故城在鄭州滎陽縣東十七里洛陽在洛水之北周公遷殷民於此謂之成周班志屬河南郡敗補邁翻

秦敗魏師韓師于洛陽

四年魏伐宋

五年秦獻公敗三晉之師于石門

水經注馮翊雲陽縣有石門山括地志在

雍州三原縣西北三十二里又曰堯門山俗名石門上有路其狀若門故老云堯鑿山為門因名之武德中於此山南置石門縣

斬首六萬王賜以黼黻之服

黼者刺繡為斧

貞觀中改雲陽縣

形黻者刺繡為兩已相背孔穎達曰白與黑謂之黼黑與青謂之黻

黼音甫黻音弗

七年魏敗韓師趙師于澮

澮古外翻括地志澮水在絳州翼城縣東南二十五里水

側有皮牢城

秦魏戰于少梁

班志馮翊夏陽縣故少梁師古曰本梁國為秦所滅至惠文王

十一年更名夏陽康曰魏有大梁故此稱

魏師敗績獲

魏公孫座

左傳師大崩曰敗績座才何翻

魏聲公薨子成侯速立

燕桓公薨子文公立

燕因肩翻謂之燕文侯

考異曰史記蘇秦傳按春秋時北燕簡公

已稱公文公之子易王尋稱王
宣文公獨稱侯乎今從世家

秦獻公薨子孝公立

索隱曰孝公名渠梁孝公生二十一年矣是時河山以東彊國六

河自龍門上口南抵華陰而東流秦國在河之西山自
鳥鼠同穴連延為長安南山至于秦華秦國在山之西

韓趙魏齊楚燕六國皆在河淮泗之間小國十餘南陽郡平

山以東華戶化翻燕因肩翻

氏縣東南有桐柏大復山淮水所出東南至淮陵入海
泗水出魯國卞縣西南至方輿入沛宋魯鄒滕薛郕等

國國於其間齊威王楚魏與秦接界魏築長城自鄭濱
所謂泗上十二諸侯

洛以北有上郡鄭縣周宣王母弟鄭桓公封邑班志屬

水東過華陰縣北洛水入焉洛水古漆沮之水也又有
長澗水南出秦華之山側長城東而北流注于渭史記

所謂魏築長城自鄭濱洛者也宋白曰今華州東南魏長城是也上郡漢屬并州隋唐之綏州延州秦漢之上

郡地也

楚自漢中南有巴黔中

漢中郡漢屬益州自晉以後為梁州巴即春秋

巴子之國漢為已郡屬益州唐為已渝渠果諸州之地黔中漢為牂牁郡之地唐為黔中節度黔渠今翻皆

以夷翟遇秦

翟與秋同

擯斥之不得與中國之會盟

擯必刃翻與讀

預於是孝公發憤布德修政欲以彊秦

憤房粉翻慙也怒也朱元晦曰

憤者心求通而未得之意

八年孝公下令國中曰昔我穆公自岐雍之間修德行

武東平晉亂以河為界西霸戎翟廣地千里天子致伯

諸侯畢賀

令力正翻號令也命令也令者出於上而行於下者也岐山周太王所邑班志岐山在扶

風美陽縣西雍縣屬扶風秦穆公娶晉獻公之女獻公

卒晉國亂穆公納惠公惠公立而背河外之賂又閉秦

穆公伐晉執惠公既而歸之始征晉河東置官司惠

公卒子懷公立穆公納文公而晉亂平又能用由余及

孟明以霸西戎天子致伯者周禮九命作伯古有九州

一為王畿八州八伯各主其方之諸侯致伯者以方伯

之任致之穆公也雍於

用翻伯如字背蒲妹翻

為後世開業甚光美會往者厲

躁簡公出子之不寧國家內憂未遑外事三晉攻奪我

先君河西地醜莫大焉

為于偽翻史記秦厲共公卒子躁公立躁公卒立其弟懷公四

年庶長鼂園懷公公自殺乃立靈公靈公卒子獻公不

得立立靈公之季父是為簡公公卒而惠公立惠公卒

子出子立二年庶長改殺出子迎立獻公于河西
地即魏所有西河之外史記正義曰自華州北至同州
並魏河西之地蹠則到翻共讀曰
恭鼃古朝字長知兩翻華戶化翻
獻公即位鎮撫邊境

徙治櫟陽

史記秦獻公二年始治櫟陽徐廣註曰即漢萬年縣余按漢志櫟陽萬年為兩縣皆屬馮

翊後漢始省併宋白曰櫟陽秦舊縣漢高祖既葬太上皇於萬年陵仍分櫟陽置萬年縣以為陵邑理櫟陽城中故櫟陽城亦名萬年城後漢省櫟陽縣入萬年縣後魏大統中分萬年置鄠丘宣武又分置廣陽縣周明帝省萬年入高陵廣陽二縣更於長安城中別置萬年縣唐武德元年又改廣陽為櫟陽元和十五年並移隸奉先縣以奉景

陵櫟音藥

且欲東伐復穆公之故地修穆公之政令

寡人思念先君之意常痛於心賓客羣臣有能出奇計

疆秦者吾且尊官與之分土

謂裂地以封之使各有分土分扶問翻

於是

衛公孫鞅聞是令下乃西入秦公孫鞅者衛之庶孫也

好刑名之學

師古曰劉向別錄云申子學好刑名刑名者循名以責實其尊君卑臣崇上抑下合

於六經說者曰刑名家名家即太史公所論六家之二也此說非劉原父曰刑名即并學兩家術耳公孫非

姓氏以其先出於衛父為衛侯則稱為公孫鞅於兩翻

事魏相公孫痤

痤知其賢未及進會病魏惠王往問之曰公叔病如有

不可諱

相息亮翻痤才戈翻不可諱謂死也俗語有之人不諱死

將奈社稷何公叔

曰痤之中庶子衛鞅

自戰國以來大夫之家有中庶子有舍人

年雖少有奇

才少詩願君舉國而聽之王嘿然公叔曰君即不聽用

鞅必殺之無令出境王許諾而去令力公叔召鞅謝曰

吾先君而後臣先後皆故先為君謀後以告子此先後皆如字

偽為子必速行矣鞅曰君不能用子之言任臣又安能

用子之言殺臣乎卒不去卒子王出謂左右曰公叔病

甚悲乎欲令寡人以國聽衛鞅也既又勸寡人殺之豈

不悖哉悖蒲衛鞅既至秦因嬖臣景監以求見孝公嬖

計翻又卑義翻史記正義監甲暫說以富國彊兵之術

公大悅與議國事

說式
芮翻

十年衛鞅欲變法秦人不悅衛鞅言於秦孝公曰夫民

不可與慮始而可與樂成

夫音扶
樂音洛

論至德者不和於俗

成大功者不謀於衆是以聖人苟可以彊國不灋其故

索隱曰言救弊為政之術所為苟可
以彊國則不必須要法於故事也

甘龍曰不然

索隱
曰甘

姓龍名甘姓出春秋時甘昭公子帶
之後姓譜又曰甘姓商甘盤之後

因民而教者不勞

而成功緣灋而治者吏習而民安之

治直
吏翻

衛鞅曰常人

安於故俗學者溺於所聞

溺奴
歷翻

以此兩者居官守灋可

也非所與論於瀆之外也智者作瀆愚者制焉賢者更

禮不肖者拘焉

更工衛翻

公曰善以衛鞅為左庶長

劉卬制曰春

秋傳有庶長鮑商君為政備其法品為十八級合關內侯列侯凡二十等其制因古義古者天子寄軍政於六卿居則以田警則以戰所謂八使治之出使長之素信者與衆相得也故啓伐有扈乃名六卿大夫之在軍為將者也及周之六卿亦以居軍在國也則以司馬將軍族師黨州長鄉大夫為稱其在軍也則以司馬將軍卒伍為號所以異在國之名也秦依古制其在軍賜爵為等級其師人皆更卒也有功賜爵則在軍吏之例自一等以上至不更四等皆士也大夫以上至五大夫五等比大夫也九等依九命之義也曰左庶長至大庶長比九卿也關內侯者依古圻內子男之義也秦都山西以關內為王畿故曰關內侯也列侯者依古列國諸侯之

義也然則卿大夫士下之品皆倣古比朝之制而異其名亦所以殊軍國也古者以車戰兵車一乘步卒七十二人分翼左右車大夫在左御者處中勇士為右凡七十五人一爵曰公士者步卒之有爵為公士者也二爵曰上造造成也古者成士升於司徒曰造士雖依此名皆步卒也三爵曰簪褭御駟馬者要褭者古之名馬也駕駟馬其形似簪故云簪褭也四爵曰不更不更者為車右不復與凡更卒同也五爵曰大夫大夫在車左者也六爵為官大夫七爵為公大夫八爵為公乘九爵為五大夫皆軍吏也吏民爵不得過公乘者得賞與子若同產然則公乘者軍吏之爵最高者也雖非臨戰得公乘車故曰公乘也十爵為左庶長十一爵為右庶長十二爵為左更十三爵為中更十四爵為右更十五爵為少上造十六爵為大上造十七爵為駟車庶長十八爵為大庶長十九爵為闕內侯二十爵為列侯自左庶長至大庶長皆卿大夫皆軍將也所將皆庶人更卒也故

以庶更為名大庶長即大將軍也左右
庶長即左右偏裨將軍也長知大翻
卒定變法之令

令民為什伍而相收司連坐

索隱曰收司謂相糾發也一家有罪則九家連舉發

若不糾舉則九家連坐師古曰五人為伍二伍為什康曰司猶管也為什伍之法使之相司相管秦有見知連

坐法余謂連坐者一家有罪什伍皆相連坐罪也見知乃漢法卒子恤翻告姦者與斬敵首

同賞

索隱曰謂告姦一人則得爵一級故曰與斬敵首同賞

不告姦者與降敵同

罰

索隱曰律降敵者誅其身沒其家今匿姦者言當與之同罰降戶江翻

有軍功者各以

率受上爵

率音律

為私鬪者各以輕重被刑大小僇力本

業耕織致粟帛多者復其身

僇力竹翻古戡字說文并力也字林音遼復方目翻

漢法除其賦稅

役皆謂之復事末利及怠而貧者舉以為收孥

索隱曰末

利謂工商糾舉而收錄其妻子沒為奴婢秦法一人有罪收其室家至漢文帝元年始除收孥相坐法孥音奴

宗室非有軍功論

論議也有戰功之可論也論盧困翻康盧昆切

不得為屬籍

屬籍宗屬之籍也孔穎達曰漢之同宗有屬籍則周家繫之以姓是也周禮小史之官掌定帝繫世本知世代

昭穆屬殊玉翻

明尊卑爵秩等級各以差次

白虎通曰爵者盡也所以盡人才也

毛晃曰大夫以上預燕饗然後賜爵秩以章有德秩職也官也積也次也常也序也

名田宅臣妾

衣服有功者顯榮無功者雖富無所芬華令既具未布

恐民之不信乃立三丈之木於國都市南門募民有能

徙置北門者予十金

予讀曰與

民怪之莫敢徙復曰能徙者

予五十金

復扶又翻

有一人徙之輒予五十金

李云金方寸重一斤為一

金程大昌演繁露曰二十兩為一金亦為一鎰

乃下令行朞年秦民之國都

之往也如也

言新令之不便者以千數於是太子犯法衛鞅

曰法之不行自上犯之太子君嗣也

嗣祥吏翻

不可施刑刑

其傅公子虔黥其師公孫賈

墨涅其面曰黥黥音渠京翻為後秦殺商君鞅張本

明日秦人皆趨令

索隱曰趨者向也附也音七喻翻

行之十年秦國道

不拾遺山無盜賊民勇於公戰怯於私鬪鄉邑大治

自是

年至三十一年商鞅死蓋鞅之行其法而致效在十年之間又十年而致禍治直吏翻秦民初言

令不便者有來言令便衛鞅曰此皆亂法之民也盡遷之於邊其後民莫敢議令

臣光曰夫信者人君之大寶也扶夫音國保於民民保

於信非信無以使民非民無以守國是故古之王者

不欺四海孔穎達曰自今本昔曰古霸者不欺四鄰善為國者不

欺其民善為家者不欺其親不善者反之欺其鄰國

欺其百姓甚者欺其兄弟欺其父子上不信下下不

信上上下下離心以至於敗所利不能藥其所傷所獲不能補其所亡豈不哀哉昔齊桓公不背曹沫之盟

晉文公不貪伐原之利魏文侯不棄虞人之期

姓譜曹本

自顓頊之玄孫陸終之子六安是為曹姓周武王封曹狹於邾故邾曹姓也又云曹叔振鐸之後武王母弟也後以為氏史記齊桓公伐魯魯莊公請平桓公許之與盟於柯將盟曹沫以匕首劫桓公於壇上請反魯之侵地桓公許之曹沫去匕首而就臣位桓公後悔欲殺曹沫管仲不可遂反所侵地於魯諸侯聞之皆信齊而欲附焉左傳晉文公圍原命三日之糧原不降命去之謀出曰原將降矣軍吏曰請待之公曰得原失信所亡滋多退一舍而原降魏文侯事見上卷威烈王二十三年背蒲妹反索隱曰沫音亡葛

翻左傳穀梁並作曹劇然則沫宜音劇沫劇聲相近而字異耳秦孝公不廢徒木之

賞此四君者道非粹白而商君尤稱刻薄又處戰攻

之世天下趨於詐力猶且不敢忘信以畜其民處昌呂翻

趨七喻翻畜許六翻養也况為四海治平之政者哉治直吏翻

韓懿侯薨子昭侯立謚法昭德有勞曰昭聖聞周達曰昭

十一年秦敗韓師于西山自宜陽熊耳東連嵩高南至魯陽皆韓之西山敗補邁翻

十二年魏韓會于鄆班志鄆縣屬中山郡此時為趙地後漢改曰高邑唐為趙州柏鄉縣

贊皇縣地
鄆呼各翻

十三年燕趙會于阿

燕因肩翻

趙齊宋會于平陸

十四年齊威王魏惠王會田于郊惠王曰齊亦有寶乎

威王曰無有惠王曰寡人國雖小尚有徑寸之珠照車

前後各十二乘者十枚

乘繩證翻

豈以齊大國而無寶乎威

王曰寡人之所以為寶者與王異吾臣有檀子者

姓譜云齊

公族有食采於瑕丘檀城因以為氏

使守南城

城在齊之南境故曰南城

則楚人不敢

為寇泗上十二諸侯皆來朝

朝直遙翻

吾臣有盼子者使守

高唐則趙人不敢東漁于河

盼匹覓翻又披班翻按丁度集韻盼與盼同盼子齊

之同姓即田盼也班志高唐縣屬平原郡杜預曰祝阿西北有高唐城宋白曰齊州章丘縣古高唐春秋戰國

之時為齊邑故城在廢禹城縣西四十里唐之禹城漢祝阿也吾吏有黔夫者使守徐

州姓譜齊有黔敖則黔亦姓也音其淹翻司馬彪曰魯國薛縣六國時曰徐州徐音舒丁度集韻徐作徐音

同則燕人祭北門趙人祭西門燕在齊之北趙在齊之西賈逵曰燕趙畏齊故

祭以求福燕因肩翻徙而從者七千餘家吾臣有種首者使備盜

賊則道不拾遺種章勇翻此四臣者將照千里豈特十二乘

哉惠王有慙色秦孝公魏惠王會于杜平班志京兆有杜陵縣

故周之杜伯國也史記灌嬰傳嬰以昌平侯食邑于杜

平鄉正義曰杜平在唐之同州澄城縣界魏世家作杜

平

魯共公薨子康公毛立

共讀曰恭

十五年秦敗魏師于元里

史記正義曰元里亦在同州澄城縣界敗補邁翻

斬

首七千級

秦法戰而斬敵人一首者賜爵一級因謂之級

取少梁

少詩照翻

魏惠

王伐趙圍邯鄲楚王使景舍救趙

邯音寒鄲音丹昭屈景皆楚之同姓楚強

族也屈九勿翻

十六年齊威王使田忌救趙初孫臏與龐涓俱學兵法

姓譜周文王子康叔封于衛至武公子惠孫曾耳為衛上卿因氏焉後有孫武孫臏俱善兵趙明誠金石錄有漢安平相孫根碑云先出自有殷之裔子武王定周封比干墓胥裔分析定曰孫焉姓譜又曰龐姓畢公高之

後支庶封於龐因氏焉龐頻忍翻則刑也去膝蓋骨鄭玄曰周改龐作則則斷足也書傳云決關梁踰城郭而

畧盜者其刑龐孫龐益以則足故呼為龐說文

龐涓仕

魏為將軍

將軍之官自周以來有之

自以能不及孫臏乃召之至則

以法斷其兩足而黥之

斷丁管翻

欲使終身廢棄齊使者至

魏孫臏以刑徒陰見說齊使者

齊使疏吏翻說式芮翻

齊使者竊

載與之齊

也往

田忌善而客待之進於威王威王問兵

法遂以為師於是威王謀救趙以孫臏為將辭以刑餘

之人不可乃以田忌為將而孫子為師居輜車中坐為

計謀

將即亮翻字林曰駢車有衣蔽無後轅者謂之輜釋名曰有邱曰輜無邱曰駢傳子曰周曰輜車即

輦也康曰駢車也軍行所以載輜重輜楚持翻駢蒲服翻重直用翻

田忌欲引兵之趙孫

子曰夫解雜亂紛糾者不控拳

索隱曰謂事之雜亂紛糾也解雜亂紛糾者當

善以手解之不可控拳而擊之余謂雜亂紛糾者謂人鬪者耳非事也康曰拳與蔡同蔡者攘臂繩也余謂當

從索隱說康救鬪者不搏撻索隱曰搏撻音博戟謂救說非夫音扶

相搏戟則其怒益熾矣按撻謂以手持撻以刺人也余謂索隱之說善矣但以撻為持撻以刺人則非也撻如

漢書擻太后掖之撻師古曰撻謂拘持之也毛晃曰索隱曰搏拘持曰撻批亢擣虛形格勢

禁則自為解耳

索隱曰批白結翻亢苦浪翻按批者相排批也音白滅翻亢言敵人相亢拒也

擣者擊也。衝也。虛空也。謂前人相亢，必須批之。彼兵若虛，則衝擣之。若批其相亢，擊擣彼虛，則是其形相格。其勢自禁止，則彼自為解也。康曰：亢，極也。高也。擣，築也。乘其高亢而批之，乘其虛而擣之，則其勢自解。批亢擣虛，所謂形格勢禁也。余謂索隱之說為長。蓋鬪者方相亢，拒則排批之，使解虛者兩敵拒鬪，力所不及之處，擣之。則雖欲鬪，其勢不能不解。此易見也。格，各額翻。格，正也。又擊也。鬪也。吳都賦：萬萬笑而被格。本音如字。協韻音閤。萬與佛同。今梁趙相攻，輕兵銳卒，必竭於外，老弱疲

於內，字不若引兵疾走魏都，據其街路，衝其方虛。

康曰：虛音。

墟，余謂虛如字。衝，其方虛，即上所謂擣虛也。索隱之說義亦如此。走，則湊翻。

彼必釋趙以自

救，是我一舉解趙之圍而收弊於魏也。田忌從之，十月

邯鄲降魏

邯音寒鄲音丹降戶江翻

魏師還與齊戰于桂陵魏師大

敗

還從宣翻又音如字水經注濮渠與酸水會水東逕滑臺城南又東南逕瓦亭南又東南會于濮濮渠之

側有漆城桂城亦曰桂陵即田忌敗魏師處史記正義曰桂陵在曹州乘氏縣東南二十一里濮博木翻

韓伐東周取陵觀廩丘

周室衰微戰國之時僅有七邑漢時之河南洛陽穀城平陰偃

師鞏緱氏是也晉志曰周考王封周桓公孫惠公於鞏號東周故戰國有東西周芒山首山其界也陵觀廩丘皆當時邑聚之名史無所考

楚昭奚恤為相江乙言

於楚王曰人有愛其狗者狗嘗溺井

昭屈景楚之彊族所謂三閭者也太

史公曰嬴姓分封為江氏相息亮翻溺奴弔翻

其鄰人見欲入言之狗當門而

噬之今昭奚恤常惡臣之見亦猶是也

噬時制翻見謂見楚王也惡烏

路翻且人有好揚人之善者王曰此君子也近之好揚人

之惡者王曰此小人也遠之

好呼到翻近者附近之近去聲遠于願翻推而遠之

雷翻

然則且有子弑其父臣弑其主者而王終已不知

也已音紀終已猶言終身也何者以王好聞人之美而惡聞人之惡

也王曰善寡人願兩聞之

江乙欲毀昭奚恤故先設是言

十七年秦大良造伐魏

索隱曰大良造即大上造余謂大良造大上造之良者也按史

記秦紀孝公十年衛鞅為大良造將兵圍魏安邑降之又按六國年表秦孝公之十年顯王之十七年所謂大

良造伐魏即衛鞅將兵也是時魏都安邑其兵猶強龐涓太子申公子卬未敗安邑不應遽降於秦至顯王二十九年卬軍既敗魏獻河西之地於秦始去安邑徙都大梁史記六國表不書徙大梁而世家書之魏世家於是年不書安邑降秦而秦紀孝公十年書之通鑑從魏世家於顯王二十九年書魏去安邑徙大梁而是年不書魏安邑降秦蓋亦疑而除去之但大良造之下當有衛鞅二字意謂傳寫通鑑者逸之

諸侯圍

魏襄陵

史記正義曰襄陵故城在兗州鄒縣余按魏境時不至於鄒班志河東有襄陵縣師古曰晉襄

公之陵因以名縣括地志襄陵在晉州臨汾縣東南三十里宋白曰後魏為禽昌縣隋大業二年改為襄陵縣以趙襄子晉襄公俱陵於是邑也

十八年秦衛鞅圍魏固陽降之

魏有上郡北至固陽漢五原郡稠陽縣是也括

地志固陽在銀州銀城縣界按魏築長城自鄭濱洛北抵銀州至勝州固陽縣為塞也固陽有連山東至黃河

西南至夏會等州降戶江翻夏戶雅翻

魏人歸趙邯鄲邯音丹與趙盟

漳水上

記曲禮曰蒞牲曰盟盟者殺牲歃血誓於神也天下太平之時諸侯不得擅相與盟惟天子巡

狩至方岳之下會畢乃與諸侯相盟同好惡獎王室以昭事神訓民事君凡國有疑則盟詛其不信者至於五霸有事而會不協而盟盟之為法先鑿地為方坎殺牲於坎上割牲左耳盛以珠盤又取血盛以玉敦用血為盟書成乃歃血而讀書左傳云坎用牲加書是也班志濁漳水出上黨長子縣鹿谷山東至鄴入清漳水經曰出長子縣發鳩山東至武安縣與清漳會謂之交漳口又東過鄴縣列人又東北過鉅鹿信都謂之衡漳又東東入海漳諸良翻

韓昭侯以申不害為相

蓋法昭德有勞曰昭

聖聞周達曰昭姓譜四岳之後封於申周有申伯鄭有大夫申侯齊有申鮮虞相息亮翻申不害者

鄭之賤臣也學黃老刑名以干昭侯黃老黃帝老子之書昭侯用

為相內修政教外應諸侯十五年終申子之身國治兵

彊治直吏翻申子嘗請仕其從兄從才用翻羣從之從同昭侯不許申

子有怨色昭侯曰所為學於子者欲以治國也為子偽翻治直

之翻今將聽子之謁而廢子之術乎已其行子之術而廢

子之請乎子嘗教寡人修功勞視次第今有所私求我

將奚聽乎申子乃辟舍請罪曰君真其人也辟讀曰避昭侯

有弊袴命藏之

袴苦故翻脛衣也

侍者曰君亦不仁者矣不賜

左右而藏之昭侯曰吾聞明主愛一嘖一咲嘖有為嘖

咲有為咲今袴宣特嘖咲哉吾必待有功者

言袴雖弊其直猶重

固不止於嘖咲也然人主之嘖咲所關甚大昭侯姑以此為言耳為于偽翻嘖與聲同愁感之貌咲古笑字

十九年秦商鞅築冀闕宮庭於咸陽

索隱曰冀闕即魏闕也爾雅觀謂之

闕郭璞曰宮門雙闕也釋名闕在門兩旁中間闕然為道也三輔皇圖曰人臣至此必思其所闕少爾雅宮謂之室郭璞曰宮謂闔繞之也說文曰庭朝中也蒼頡篇曰庭直也風俗通曰庭正也言縣庭郡庭朝庭皆取平均正直也三輔皇圖曰山南為陽水北為陽山水皆在陽故曰咸陽漢高帝更名新城武帝更名渭城屬右扶

風括地志咸陽故城在雍州咸陽縣東十五里在長安城北四十五里宋白曰咸陽縣本周王季所都秦又都之秦記秦都在九峻山南渭水北山水俱陽故名咸陽二十九年秦始封衛鞅於商號商君史以後所封書之

徙都之令民父子兄弟同室內息者為禁

息止也秦俗父子兄弟

弟同室居止商君始更制禁同室內息者堯教民以人倫教之有序有別秦用西戎之俗至於男女無別長幼無序商君今為之禁古道也烏可例言之白虎通曰父矩也以法度教子也子孳也孳孳無已也兄况也况父法也弟悌也

心順行篤也并諸小鄉聚集為一縣縣置令丞凡三十

一縣廢井田開阡陌

周禮六鄉鄉萬二千五百家又百家之內曰鄉五鄙為縣縣二千五

百家此六遂之縣也四甸為縣此州里之縣也周制天子地方千里分為百縣縣有四郡左傳趙鞅所謂上大

夫受縣下大夫受郡者也秦并天下置三十六郡以監天下之縣自是始統於郡矣釋名曰縣懸也懸于郡也漢書音義所謂大曰鄉小曰聚亦秦制也廣雅曰聚聚居也音慈諭翻縣令丞之官始此令音力正翻令命也告也律也法也長也使為一縣之長以行詁命法律也丞翊也副貳也成周之制田方里為井井九百畝八家各耕百畝其中百畝八十畝為公田二十畝為廬舍史記正義曰南北曰阡東西曰陌劉伯莊曰開田界道使不相干長

平斗桶權衡丈尺

桶索隱音統非也當作甬

知兩翻

考鍾律及鑄渾儀求秦漢以來度量斗升計六斗當今之一斗七升九合秤三斤當今十三兩一斤當今四兩三分兩之一一兩當今六銖半為升中方古尺二寸五分十分分之三今尺一寸八分百分分之四十五強

秦魏遇于彤

彤周彤伯所封之國國于王畿之內史記六國年表商君反死彤地則其地當

在漢京兆鄭縣
界彤徒冬翻

趙成侯薨公子緄與太子爭立緄敗

奔韓

緄私列翻趙成侯敬侯之
子名種太子肅侯語也

二十一年秦商鞅更為賦稅法行之

井田既廢則周什
一之法不復用蓋

計畝而為賦稅
之法更工衡翻

二十二年趙公子范襲邯鄲不勝而死

邯音寒
鄲音丹

二十三年齊殺其大夫牟魯康公薨子景公偃立

衛更貶號曰侯服屬三晉

周成王封康叔為衛侯其後
世進爵為公今寢以弱小貶

號曰侯貶
悲檢翻

二十五年諸侯會于京師

時天下宗周以洛陽為京師京大也師衆也京師衆大之

名也

二十六年王致伯于秦

伯如字伯者周伯九伯之任

諸侯皆賀秦秦

孝公使公子少官帥師會諸侯于逢澤以朝王

左傳逢澤有介

廩馬宋地也杜預註曰地理志言逢澤在滎陽開封縣東北遠疑非括地志曰逢澤在汴州浚儀縣東南二十

四里帥

音率

二十八年魏龐涓伐韓韓請救于齊齊威王召大臣而

謀曰蚤救孰與晚救成侯曰不如勿救

鄒忌為齊相封成侯

田忌

曰弗救則韓且折而入於魏折而設翻不如蚤救之孫臏曰

夫韓魏之兵未弊而救之臏頻忍翻又昆賓翻夫音扶是吾代韓受

魏之兵顧反聽命於韓也且魏有破國之志韓見亡必

東面而愬於齊矣見亡言見有亡國之勢也愬告愬也吾因深結韓之親

而晚承魏之弊則可受重利而得尊名也王曰善乃陰

許韓使而遣之陰闇也使疏吏翻韓因恃齊五戰不勝而東委

國於齊齊因起兵使田忌田嬰田盼將之盼與盼同音匹覓翻將即

亮翻下同又音如字領也孫子為師以救韓直走魏都走音奏龐涓聞

之去韓而歸

龐薄江翻
涓古玄翻

魏人大發兵以太子申為將以

禦齊師孫子謂田忌曰彼三晉之兵素悍勇而輕齊

將即

亮翻悍下罕
翻又音汗

齊號為怯善戰者因其勢而利導之兵瀆

百里而趨利者蹙上將五十里而趨利者軍半至

此孫武子

兵法也趨七喻翻魏武帝曰蹙其月翻蹙猶挫也劉氏
曰蹙猶斃也半至謂軍趣利前後不相屬半至半不至

也屬蹙
玉翻

乃使齊軍入魏地為十萬竈明日為五萬竈又

明日為二萬竈龐涓行三日大喜曰我固知齊軍怯入

吾地三日士卒亡者過半矣

過工禾翻

乃棄其步軍

句斷龐薄江翻

涓主
淵翻

與其輕銳倍日并行逐之

并行兼程而行也倍日一行兩日之程亦兼

程也
孫子度其行暮當至馬陵

司馬彪志魏郡元城縣註云左傳成七年會馬陵杜

預志在縣東南龐涓死處虞喜志林馬陵在濮州鄆城東北六十里澗谷深可以置伏度徒洛翻鄆吉掾翻

馬陵道隘而旁多阻隘可伏兵

隘與狹同
隘鳥懈翻

乃斫大樹白

而書之曰龐涓死此樹下於是令齊師善射者萬弩夾

道而伏期日暮見火舉而俱發龐涓果夜到斫木下見

白書以火燭之讀未畢萬弩俱發魏師大亂相失龐涓

自知智窮兵敗乃自剄曰遂成豎子之名

龐薄江翻涓古玄翻劉古

頂翻斷首也康古定切非豎
殊遇翻說文豎使布短衣
齊因乘勝大破魏師虜太

子申成侯鄒忌惡田忌鄒以國為氏
使人操十金卜於

市操七曰我田忌之人也我為將三戰三勝欲行大事

可乎卜者出因使人執之田忌不能自明率其徒攻臨

淄臨淄齊國都也城臨淄水因以為名班志臨淄屬齊國臣贊曰臨淄即營丘太公營之淄莊持翻求

成侯不克出奔楚為下齊復田忌張本

二十九年衛鞅言於秦孝公曰秦之與魏譬若人有腹

心之疾非魏并秦秦即并魏何者魏居嶺阨之西索隱曰蓋

安邑以東山嶺險阨之地今蒲州中條以都安邑與秦東連汾晉之險嶺皆其地也阨於草翻

界河

秦魏以河為界也

而獨擅山東之利

擅市戰翻

利則西侵秦病

則東收地今以君之賢聖國賴以盛而魏往年大破於

齊諸侯畔之可因此時伐魏魏不支秦必東徙然後秦

據河山之固東鄉以制諸侯

鄉讀曰嚮

此帝王之業也公從

之使衛鞅將兵伐魏魏使公子卬將而禦之軍既相距

衛鞅遺公子卬書曰吾始與公子驩今俱為兩國將

將即

亮翻遺于李嗣

不忍相攻可與公子面相見盟樂飲而罷兵以

安秦魏之民

樂音洛

公子邛以為然乃相與會盟已飲

已盟

而飲

而衛鞅伏甲士襲虜公子邛因攻魏師大破之魏

惠王恐使使獻河西之地於秦以和

使使下疏史翻

因去安邑

徙都大梁

班志陳留郡浚儀縣故大梁杜佑曰汴州城西古城戰國時魏惠王所築

乃嘆曰

吾恨不用公叔之言

公叔言見上八年

秦封衛鞅商於十五邑

班志弘農郡商縣商君邑裴駰曰商於之地在今順陽郡南鄉丹水二縣有商城在於中故謂之商於史記正義曰丹水及商皆屬弘農今言順陽是魏晉始分置順陽郡商及丹水皆屬之也水經注丹水逕南鄉丹水二

縣之問歷於中之北所謂商於者也杜佑曰今鄧州內鄉縣東七里有於村蓋秦所謂商州商洛縣古商邑高

所封也漢為號曰商君 齊趙伐魏 楚宣王薨子威
商縣於如字

王商立

三十一年秦孝公薨子惠文王立公子虔之徒告商君

欲反發吏捕之商君亡之魏之如也魏人不受復內之

秦內讀曰納怨其挾詐以破魏師故不受商君乃與其徒之商於發兵北

擊鄭之往也如也鄭京兆之鄭縣也周宣王弟鄭桓公采邑唐屬華州宋白續通典曰鄭縣古城在華州

郡城秦人攻商君殺之車裂以徇盡滅其家車裂古之轘刑轘戶

串初商君相秦用法嚴酷嘗臨渭論囚渭水盡赤相息亮翻

水經渭水出隴西首陽縣烏鼠山東流至秦都咸陽南商君蓋臨此以論囚決罪曰論論盧用翻為相

十年人多怨之

按顯王十七年秦以商鞅為大良造十年商鞅徙秦都咸陽廢井田開阡陌平

權量二十一年更賦稅法為相當在是年至今年十年矣趙良見商君商君問曰子

觀我治秦

治直之翻

孰與五殺大夫賢

百里奚自賣以五殺羊之皮為人養牛秦

穆公舉以為相秦人謂之五殺大夫殺牡羊也殺音古

趙良曰千人之諾諾不如

一士之諤諤

引趙簡子之言諾應聲也諤審直也

僕請終日正言而無誅

可乎商君曰諾趙良曰五殺大夫荆之鄙人也穆公舉

之牛口之下

孟子百里奚虞人也以食牛于秦繆公今曰荆之鄙人按史記晉滅虞執百里奚為

秦繆夫人媵百里奚亡秦走宛楚鄙人執之繆公以五
殺羊皮贖之以為上大夫奚讀與奚同繆讀與穆同媵
以證翻究而加之百姓之上秦國莫敢望焉相秦六七
於元翻

年而東伐鄭

謂左傳僖三十年與
晉圍鄭也相息亮翻

三置晉君一救荆禍

三置晉君謂立惠公懷公文公也索隱曰十二諸侯年
表穆公二十八年會晉伐楚朝周此云救荆未詳余按

左傳晉既敗楚於城濮又敗秦於殽穆公使鬬克歸楚
求成所謂救荆禍蓋指此也秦諱楚故其國記率謂楚

為荆太史公取秦記為史記通鑑
又因史記而成書故亦以楚為荆其為相也勞不坐乘

古者車立乘惟
安車則坐乘耳暑不張蓋周禮輪人為蓋蓋
所以覆冒車上也行於國中

不從車乘

乘繩
證翻

不操干戈

操五
刀翻

五殺大夫死秦國男女

流涕童子不歌謠春者不相杵

記鄰有喪春不相杵者以音聲相勸相

息亮

今君之見也因嬖人景監以為主

事見上八年嬖

翻

翻監甲其從政也凌轢公族殘傷百姓

轢郎擊翻車踐曰轢

公子

虔杜門不出已八年矣君又殺祝懽而黥公孫賈

祝姓也古

有巫史祝之官其子孫因以為姓或曰武王封黃帝之後於祝其子孫因氏焉黥其京翻

詩曰得人

者興失人者崩

逸詩也

此數者非所以得人也君之出也

後車載甲多力而駢脅者為駢乘

杜預曰駢脅合幹也駢步田翻乘繩證翻

駢讀持矛而操闔戟者旁車而趨

薛綜曰闔之為言函也取四戟函車邊此

蓋令力士旁車而趨有急則操翕戟以禦之也後漢志有闔戟車晉志闔戟車長戟邪偃在後唐韻戟名曰闔音所及翻史記正義曰顧野王云矛鋌也方言云矛吳楚江淮之間謂之鋌釋名曰戟格也車旁有枝格旁車之旁音步浪翻此一物不具君固不出書曰恃德者昌恃力者

亡逸書也此數者非恃德也君之危若朝露朝露易晞言不久也而

尚貪商於之富寵秦國之政言以專秦國政為寵也畜百姓之怨

畜讀曰蓄秦王一旦捐賓客而不立朝朝直遙翻秦國之所以收

君者豈其微哉微少也趙良言豈少蓋謂太子與其師傳將挾怨而殺之也商君弗

從居五月而難作難乃旦翻史言商君尚刑懷諫之既速

二十二年韓申不害卒

卒子恒翻

二十三年宋太丘社亡

班志沛郡有太丘縣又志曰宋太丘社亡周鼎淪沒於泗水中

爾雅石陵太丘社亡

蓋依丘作社於時亡去咎證也

鄒人

孟軻見魏惠王

鄒春秋之邦國也班志鄒縣屬魯國宋白曰淄州鄒平縣漢舊縣

王曰

叟

叟者尊老之稱稱尺證翻

不遠千里而來亦有以利吾國乎孟子

曰君何必曰利仁義而已矣

不遠千里言不以千里為遠也

君曰何以

利吾國大夫曰何以利吾家士庶人曰何以利吾身上

下交征利而國危矣未有仁而遺其親者也未有義而

後其君者也

後戶豆翻

王曰善

通鑑於此段前後書王因孟子之文也中間叙孟子答魏

王之言獨改王曰君不與魏之稱王也

初孟子師子思嘗問牧民之道何

先子思曰先利之孟子曰君子所以教民者亦仁義而

已矣何必利子思曰仁義固所以利之也上不仁則下

不得其所上不義則下樂為詐也

樂音洛

此為不利大矣

故易曰利者義之和也

易乾卦文言

又曰利用安身以崇德

也

易大傳之辭

此皆利之大者也

臣先曰子思孟子之言一也夫唯仁者為知仁義之

為利不仁者不知也

扶夫音

故孟子對梁王直以仁義

而不及利者所與言之人異故也

三十四年秦伐韓拔宜陽

三十五年齊王魏王會于徐州以相王

史記正義曰竹書紀年云梁惠

王三十年下邳遷于薛改曰徐州續漢志曰魯國薛縣六國時曰徐州與竹書合徐音舒相王者相立為王也

韓昭侯作高門屈宜臼曰君必不出此門

許慎曰屈宜臼楚大

夫時在韓屈九切翻

何也不時吾所謂時者非時日也夫人固有

利不利時

扶夫音

往者君嘗利矣不作高門前年秦拔宜

陽今年旱君不以此時恤民之急而顧益奢此所謂時

咄舉羸者也

咄區勿翻徐廣曰時衰耗而作奢侈言國家多難而勢咄此時宜恤民之急而舉事

反若有羸餘者夫其所以為國之道矣時咄舉羸蓋古語也羸怡成翻

故曰不時越王

無疆伐齊

越王句踐之後自句踐至無疆凡六世句音鉤踐音慈茂翻

齊王使人說

之以伐齊不如伐楚之利

說式芮翻

越王遂伐楚楚人大敗

之

敗補邁翻

乘勝盡取吳故地東至于浙江越以此散諸公

族爭立或為王或為君濱於海上

吳之故地漢會稽九江丹陽豫章廬江廣

陵臨淮等郡是也越初都會稽其境北至於禦兒不能全有漢會稽一郡地及其滅吳始并有吳地今楚取吳

地至于浙江則禦兒亦入于楚矣浙江有三源發于太
來者謂之穀水今之衢港是也發於烏傷者水經謂之
吳寧溪今之婺港是也發於黟縣者班志謂之浙江水
今之徽港是也三水合為浙江東至錢唐入海浙折也
言水屈折於羣山之間也釋名曰江共也小水流入其
中所公共也國於海上者漢之既越閩越駱越其後也
浙之列翻濱音賓會古外翻太末之太孟康音闔
港古項翻婺亡遇翻黟音伊閩眉巾翻駱音洛

朝服

於楚

遙朝直
翻

三十六年楚王伐齊圍徐州

徐舒音

韓高門成昭侯薨

卒如屈宜臼之言
卒子恆翻

子宣惠王立

宣惠複
謚也

初洛陽人蘇秦

說秦王以兼天下之術

說式芮翻姓譜蘇已姓顓頊裔
孫吳回生陸終陸終生昆吾封

於蘇至
周蘇公

秦王不用其言蘇秦乃去說燕文公曰燕之所

以不犯寇被甲兵者以趙之為蔽其南也

燕因肩翻被皮義翻

且

秦之攻燕也戰於千里之外趙之攻燕也戰於百里之

內

燕南與趙接境戰於百里之內言其近也秦欲攻燕自蒲潼下兵則為趙所隔故必逕上郡之西出雲中

九原然後至燕故云戰於千里之外

夫不憂百里之患而重千里之外計

無過於此者

夫音扶計無過於此者言燕計之過無甚於此

願大王與趙從親

從子容翻

天下為一則燕國必無患矣

此蘇秦為燕至計先定於胷中者

文

公從之資蘇秦車馬以說趙肅侯曰當今之時山東之

建國莫彊於趙

說式芮翻建國猶言立國也

秦之所害亦莫如趙然

而秦不敢舉兵伐趙者畏韓魏之議其後也秦之攻韓

魏也無有名山大川之險稍蠶食之傳國都而止

傳讀附

傳著韓魏不能支秦必入臣於秦秦無韓魏之規則禍

中於趙矣

中竹仲翻

臣以天下地圖案之諸侯之地五倍於

秦料度諸侯之卒十倍於秦

料音聊又如字度徒洛翻

六國為一并

力西鄉而攻秦

鄉讀嚮

秦必破矣夫衡人者皆欲割諸侯

之地以與秦

衡讀曰橫衡人說客之連橫者

秦成則其身富榮國被秦

患而不與其憂

與讀曰預

是以衡人日夜務以秦權恐喝諸

侯以求割地

索隱曰恐起拱翻喝許曷翻又呼曷翻謂相恐脅也鄒氏喝音憇義疎

故願

大王熟計之也竊為大王計莫如一韓魏齊楚燕趙為

從親以畔秦

從子容翻畔反也反秦之所為也秦之所為者衡也

令天下之將相

會於洹水之上

令盧經翻使也將即亮翻相息亮翻徐廣曰洹水出汲郡林慮縣水經洹水出

上黨注氏縣東北出山逕鄴縣南又東過內黃縣北入于白溝洹音桓又于元翻慮音盧

通質結盟

質音致

約曰秦攻一國五國各出銳師或撓秦

服虔曰撓弱也音奴

教翻又音乃卯翻

或救之有不如約者五國共伐之諸侯從親

以擯秦秦甲必不敢出於函谷以害山東矣

從子容翻

班志弘農郡弘農縣有秦函谷關漢武帝從楊僕之請

移關於新安縣文穎曰秦關在弘農縣衡嶺後移在河

南穀城縣師古曰今桃林縣有洪溜澗水即古所謂函

谷其水北流入河夾河之岸尚有舊關餘跡焉穀城即

新安杜佑曰漢函谷關在漢新安縣東北一里其秦關在今靈寶縣

肅侯大說
索隱曰肅侯名語謚

法剛德克就曰肅執心

決斷曰肅說與悅同

厚待蘇秦尊寵賜賚之以約於

諸侯會秦使犀首伐魏大敗其師四萬餘人禽將龍賈

取雕陰

犀首魏官名公孫衍為此官因號犀首猶虎牙將軍之稱龍姓出於龍伯氏或云出於御龍氏

班志上郡有雕陰道括地志雕陰故城在鄜

州洛交縣北二十里敗補邁翻稱尺證翻

且欲東兵

言引兵東下也

蘇秦恐秦兵至趙而敗從約

從子容翻

念莫可使用

於秦者乃激怒張儀入之於秦張儀者魏人與蘇秦俱

事鬼谷先生

蓋居於鬼谷因以稱之隋志馮翊郡韓城縣有鬼谷風俗通義曰鬼谷先生六國時

縱橫家索隱曰扶風池陽潁川陽城並有鬼谷蓋是其所居因以為號又樂壹注鬼谷子書云蘇秦欲神祕

其道故假名鬼谷

學縱橫之術

縱與從同音子容翻

蘇秦自以為不及也

儀游諸侯無所遇困於楚蘇秦故召而辱之儀恐

恐史記作

怒念諸侯獨秦能苦趙遂入秦蘇秦陰遣其舍人齎金

幣資儀

文穎曰舍人主廐內小吏官名也師古曰舍人親近左右之通稱也後遂為司屬官號齎則兮

翻儀得見秦王秦王說之

說讀曰悅

以為客卿

秦有客卿之官以待自諸

侯來者其位為卿而以客禮待之也

舍人辭去曰蘇君憂秦伐趙敗從約

敗補邁翻從子容翻

以為非君莫能得秦柄故激怒君使臣陰奉

給君資盡蘇君之計謀也張儀曰嗟乎此吾在術中而

不悟吾不及蘇君明矣為吾謝蘇君蘇君之時儀何敢

言

為吾之為于偽翻為後蘇秦死儀方出說六國張本說式芮翻

於是蘇秦說韓宣惠

王曰韓地方九百餘里帶甲數十萬天下之彊弓勁弩

利劍皆從韓出韓卒超足而射百發不暇止以韓卒之

勇被堅甲蹶勁弩

被皮義翻蹶之石翻踏也史記正義曰欲放弩者皆坐舉足踏弩材手引

奏機然後發之

帶利劍一人當百不足言也大王事秦秦必求

宜陽成臯

韓之宜陽西接境於秦當函谷出兵之路成臯春秋鄭之制邑亦曰虎牢戰國時為鄭之

屏蔽皆韓之地班志宜陽屬弘農郡成臯屬河南郡

今茲効之明年復求割地

扶復

又翻與則無地以給之不與則棄前功受後禍且大王之

地有盡而秦求無已以有盡之地逆無已之求此所謂

市怨結禍者也

市買也凡以物買賣貿易曰市

不戰而地已削矣鄙諺

曰寧為雞口無為牛後

諺魚變翻俗言也史記正義曰雞口雖小猶進食牛後雖大乃

出糞爾雅翼曰蘇秦說韓王寧為雞尸無為牛從尸主也一羣之主所以將衆也從從物者也謂牛子也隨羣而往制不在我者也言寧為雞中之主不夫以大王之為牛子之從後也此本諸延篤注戰國策

賢挾強韓之兵而有牛後之名臣竊為大王羞之

夫音扶挾

尸類翻為于偽翻

韓王從其言蘇秦說魏王曰大王之地方千

里地名雖小然而田舍廬廡之數

廡大甫翻數七欲翻密也

曾無所

芻牧

曾才登翻芻刈草也牧放牧也言魏民居蕃庶無刈芻放牧之地也

人民之衆車馬

之多日夜行不絕輶輶殷殷若有三軍之衆

輶呼宏翻殷音隱

臣竊量大王之國不下楚

量呂張翻量度也

今竊聞大王之卒

武士三十萬蒼頭二十萬奮擊二十萬廝徒十萬

武士
武士

也詳見後第六卷秦昭襄王五十一年蒼頭謂著青帽
項羽傳有異軍蒼頭持起奮擊簡軍中之勇士敢奮力

而擊敵者異之蘇林曰
取薪之卒曰廝音斯

車六百乘騎五千匹

古者用車
戰戰國始

用騎兵車騎異用而並用
矣乘繩證翻騎奇寄翻

乃聽於羣臣之說而欲臣事

秦故敝邑趙王使臣効愚計奉明約在大王之詔詔之

魏王聽之蘇秦說齊王曰齊四塞之國地方二千餘里

帶甲數十萬粟如丘山三軍之良五家之兵

三軍謂三
晉之軍高

誘曰五家
即五國

進如鋒矢戰如雷霆解如風雨即有軍役未

嘗倍泰山絕清河涉渤海者也

倍與背同音蒲妹翻鄉倍之倍也班志泰山在

泰山郡博縣東北水經淇水自館陶清淵東北過廣宗縣東為清河漢因置清河郡清河又東過脩縣與大河張甲故瀆合又東過東光南皮等縣齊之北界也又齊東北皆阻海漢渤海郡亦其境也師古曰郡在渤海之濱因以為名直度曰臨淄之中七萬戶臣竊度之不下絕由膝以上曰涉

戶三男子不待發於遠縣而臨淄之卒固已二十一萬

矣臨淄甚富而實其民無不鬪雞走狗六博闌鞠

說文曰六

博局戲也六著十二碁烏曹所作楚辭崑蔽象碁有六博鮑宏博經曰琨蔽玉箸也各投六箸行六碁故曰六博用十二碁六碁白六碁黑所擲頭謂之瓊瓊有五采刻為一畫者謂之塞刻為兩畫者謂之白刻為三畫者

謂之黑一邊不刻者五塞之間謂之五塞間鞠史記作
蹋鞠以皮為之實之以毛蹙蹋而戲劉向曰蹙鞠起於
戰國之時所以練武士因嬉戲而
講習之或言黃帝所作閭徒臘翻
臨淄之塗車轂擊人

肩摩連袂成帷揮汗成雨夫韓魏之所以重畏秦者為

與秦接境壤也

夫音扶為于偽翻

兵出而相當不十日而戰勝

存亡之機決矣

而戰句斷勝下當有負字以此觀之文意明通竊謂通鑑承史記元文之誤

韓魏戰而勝秦則兵半折

折常列翻摧折也

四境不守戰而不

勝則國已危亡隨其後是故韓魏之所以重與秦戰而

輕為之臣也今秦之攻齊則不然倍韓魏之地過衛陽

晉之道經乎亢父之險車不得方軌騎不得比行

水經注

子河出東郡濮陽縣北河南至濟陰句陽縣為新溝又東過廩丘縣與濮水俱東瓠河又逕陽晉城南蘇秦所

謂衛陽晉之道也史記正義曰陽晉故城在曹州乘氏縣西北三十七里班志亢父縣屬東平國又括地志亢

父故城在兗州任城縣南五十一里亢音抗又音剛父音甫說文軌車轍也顏師古曰車併行為方軌騎奇寄

翻比毘義翻次也行戶則翻列也百人守險千人不敢凡行列之行皆同音車併讀曰並

過也秦雖欲深入則狼顧恐韓魏之議其後也

爾雅翼

敏給能自顧其後蓋狼行而屢顧恐人荷其後故也荷居綺翻是故恫疑虛喝驕矜而

不敢進

恫他紅翻恐懼貌高誘曰虛喝喘息懼貌劉氏曰秦自疑懼虛作恐獨之辭以脅韓魏也史記

正義曰言秦雖至亢父猶恐懼狼顧虛作喝罵驕
溢矜誇而不敢進伐齊喝呼葛翻亦作獨音同則秦

之不能害齊亦明矣夫不深料秦之無奈齊何而欲西

面而事之是羣臣之計過也扶夫音今無臣事秦之名而

有彊國之實臣是故願大王少留意計之齊王許之始少

紹翻乃西南說楚威王曰楚天下之彊國也地方六千餘

里帶甲百萬車千乘騎萬匹楚在齊之西南故蘇秦自齊而西南詣楚說式為翻

乘繩證翻粟支十年此霸王之資也秦之所害莫如楚

騎奇寄翻楚彊則秦弱秦彊則楚弱其勢不兩立故為大王計莫

如從親以孤秦

從子容翻

臣請令山東之國

令盧經翻使也

奉四時

之獻以承大王之明詔委社稷奉宗廟練士厲兵在大

王之所用之故從親則諸侯割地以事楚衡合則楚割

地以事秦

從子容翻衡讀曰橫

此兩策者相去遠矣大王何居焉

楚王亦許之於是蘇秦為從約長

長知亮翻

并相六國

相息亮翻

北報趙車騎輜重擬於王者

康曰輜重載物車也行者之車總曰輜重韻書曰輜

莊持翻庫車也重直用翻考異曰史記蘇秦傳秦兵不敢闕函谷關十五年又云秦使犀首欺齊魏與共伐趙蘇秦去趙而從約皆解齊魏伐趙敗從約止在明年耳秦本紀惠文王十年公子卬與魏戰虜其將龍賈後二

年事耳烏在其不闕函谷十五年乎此出
於遊談之士誇大蘇秦而云爾今不取

齊威王薨

子宣王辟彊立知成侯賣田忌

事見上二

乃召而復之

燕文公薨子易王立

謚法好更改舊曰易燕因肩翻易音如字更工衡翻

衛

成侯薨子平侯立

謚法治而無音曰平執事有制曰平布綱治紀曰平又曰惠無內德曰平

三十七年秦惠王使犀首欺齊魏與共伐趙以敗從約

敗補邁翻從子容翻

趙肅侯讓蘇秦蘇秦恐請使燕必報齊蘇秦

去趙而從約皆解趙人決河水以灌齊魏之師齊魏之

師乃去魏以陰晉為和於秦寔華陰

班志華陰故陰晉秦惠文王五

年更名寧秦漢高帝改曰華陰縣屬京兆以其地在華山之陰也宋白曰華陰分秦晉之境邊晉之西則曰陰晉邊秦之東則曰寧秦華戶化翻

齊王伐燕取十城已而復歸之

三十九年秦伐魏圍焦曲沃

班志弘農郡陝縣有焦城左傳所謂晉與秦焦瑕者

也括地志焦在陝城東百步曲沃在陝西南三十二里因曲沃水為名酈道元曰按春秋文公十三年晉侯使詹嘉處瑕守桃林之塞以備秦時以曲沃之官守之故曲沃之名遂為積古之傳宋白曰焦古焦國括地志焦城在焦城東北百步因魏入少梁河西地於秦
焦水為名周同姓所封
九年魏已使使獻河西
於秦以和今乃入其地
少詩照

四十年秦伐魏度河取汾陰皮氏

班志汾陰縣屬河東郡皮氏縣故耿國晉

獻公以封趙夙者也亦屬河東郡括地志汾陰故城在蒲州汾陰縣北九里皮氏故城在絳州龍門縣西百八

十拔焦

楚威王薨子懷王槐立

謚法慈仁短折曰懷又懷思也槐乎乖翻

又乎瑰翻折而設翻

宋公剔成之弟偃襲攻剔成剔成奔齊偃

自立為君

別他歷翻

四十一年秦公子華張儀帥師圍魏蒲陽取之

史記正義曰蒲

陽在隰州隰川縣蒲邑故城是也帥讀曰率

張儀言於秦王請以蒲陽復與

魏而使公子繇質於魏

質音致

儀因說魏王曰秦之遇魏

甚厚魏不可以無禮於秦魏因盡入上郡十五縣以謝

焉

說式芮翻括地志曰上郡故城在綏州上縣東南五十里魏泰之上郡地也史記正義曰按廊坊丹延等

州北至固陽盡上郡地魏築長城界秦自華州鄭縣濱洛至慶州洛源縣自於山即東北至勝州固陽東至河西上郡之地盡入於秦泰之與魏者小魏之謝泰者大史言張儀為秦計者甚巧張儀歸而相

秦

相息亮翻

四十二年秦縣義渠以其君為臣

義渠西戎國名秦取之以為縣班志義渠

道屬北地郡括地志寧慶原三州秦之北地郡也

秦歸焦曲沃於魏

既取而復歸之

秦之於魏若玩弄嬰兒於掌股之上耳

四十三年趙肅侯薨

索隱曰肅侯名語

子武靈王立置博聞師

三人左右司過三人先問先君貴臣肥義加其秩

索隱曰武

靈王名雍姓譚肥姓
肥子之後以國為姓

四十四年夏四月戊午秦初稱王 衛平侯薨子嗣君

立嗣祥史翻衛有胥靡亡之魏漢書音義曰胥相也靡隨也古者相隨坐輕刑之名謂罪

不至於朴刑者令衣褐帶索相隨以執役朱元
晦曰胥靡者連鎖役作也胥新於翻靡母被翻因為魏

王之后治病為于偽翻
治直之翻嗣君聞之請以五十金買之五

反魏不與乃以左氏易之左右諫曰夫以一都買一胥

靡可乎夫音扶下同嗣君曰非予所知也夫治無小亂無大

治直吏翻灋不立誅不必雖有十左氏無益也灋立誅必失

十左氏無害也魏王聞之曰人主之欲不聽之不祥因

載而往徒獻之此學申韓者為之說耳

四十五年秦張儀帥師伐魏取陝班志陝縣屬弘農郡故號國北號在大陽

東號在滎陽西號在雍州周召分陝而治即此陝也帥讀曰率陝失冉翻召讀曰邵蘇秦通於

燕文公之夫人易王知之蘇秦恐乃說易王曰臣居燕

不能使燕重而在齊則燕重易王許之燕因肩翻易音如字說式芮翻

謚法好更改舊曰乃偽得罪於燕而奔齊齊宣王以為

客卿蘇秦說齊王高宮室大苑囿以明得意欲以敝齊

而為燕

說式為翻為後齊大夫殺蘇秦張本

四十六年秦張儀及齊楚之相會齧桑

相息亮翻服虔曰齧桑翟地徐

廣曰在梁與彭城之間裴駰曰晉地索隱曰衛地余按漢武帝軻子歌曰齧桑浮兮淮泗滿及塞決河而梁楚之地復寧無水災後漢王梁擊佼彊蘇茂於楚沛間拔大梁齧桑則徐說為近之齧五結翻

韓燕

皆稱王趙武靈王獨不肯曰無其實敢處其名乎令國

人謂已曰君

趙武靈王之不肯稱王非守君臣之分居之以諫也將求其所大欲而力未能稱心

也處昌呂翻令力丁翻使也又力正翻命令也分扶問翻稱尺證翻

四十七年秦張儀自齧桑還而免相相魏

從宣翻又音

如字免相免秦相而相魏相息亮翻

欲令魏先事秦而諸侯効之魏王不

聽秦王伐魏取曲沃平周

令力丁翻此曲沃在河東晉桓叔所封之邑漢武帝改名

聞喜史記正義曰絳州桐鄉縣晉曲沃邑十

三州志古平周邑在汾州介休縣西四十里復陰厚張

儀益甚

四十八年王崩子慎覲王定立

正覲疾翻

燕易王薨子噲

立

燕因肩翻易音如字噲古夬翻

齊王封田嬰於薛

班志薛縣屬魯國夏奚仲之國

後遷於邳仲虺居之括地志故薛城在今徐州滕縣南四十四里號

界史記正義曰薛故城在今徐州滕縣南四十四里

曰靖郭君

杜佑曰戰國之際秦項之間權設班寵有加賜邑封君者蓋假其位號或空受其爵如靖

郭武安之類是也至漢尤多蓋在封爵之外別加美號史記列傳云嬰謚為靖郭君索隱曰靖郭或封邑號故

漢駟鈞封靖郭侯

靖郭君言於齊王曰五官之計不可不日聽

而數覽也

記曾子問諸侯出命國家五官而後行註云五官五大夫典事者命者勅之以其職正義

云按太宰職云建其牧立其監設其參傳其伍是諸侯有三卿五大夫經云五官故云五大夫以屬官大夫其

數衆多直云五者據典國事言之不云命卿者或從君出行或雖在國留守摠主羣史如三公然不專主一事

且尊之既命五大夫則卿亦命之可知故不顯言命卿也余謂此所謂五官蓋亦言典事五大夫也數所角翻

王從之已而厭之悉以委靖郭君靖郭君由是得專齊

之權靖郭君欲城薛客謂靖郭君曰君不聞海大魚乎

網不能止鉤不能牽蕩而失水則螻蟻制焉今夫齊亦

君之水也

扶夫音

君長有齊奚以薛為苟為失齊雖隆薛

之城到於天庸足恃乎乃不果城

隆高也崇也庸常也

靖郭君有

子四十人其賤妾之子曰文文通儻饒智畧

通達也儻調儻卓異

也饒智畧言智畧有餘也

說靖郭君以散財養士靖郭君使文主家

待賓客賓客爭譽其美

說式為翻譽音余

皆請靖郭君以文為

嗣靖郭君卒

嗣祥史翻卒子恆翻

文嗣為薛公號曰孟嘗君

史記列傳

曰謚曰孟嘗君索隱曰號曰孟嘗君曰
謚非也孟字嘗邑名嘗邑在薛之旁孟嘗君招致諸

侯遊士及有罪亡人皆舍業厚遇之
舍業為之築舍立居業也存救

其親戚食客常數千人各自以為孟嘗君親已由是孟

嘗君之名重天下

臣光曰君子之養士以為民也易曰聖人養賢以及

萬民
頤卦彖辭也為于偽翺夫賢者其德足以敦化正俗其才

足以頓綱振紀
頓謂整頓夫音扶其明足以燭微慮遠其彊

足以結仁固義大則利天下小則利一國是以君子

豐祿以富之隆爵以尊之養一人而及萬人者養賢

之道也今孟嘗君之養士也不恤智愚不擇臧否

否補

美翻盜其君之祿以立私黨張虛譽上以侮其君下以

蠹其民是姦人之雄也烏足尚哉書曰受為天下逋

逃主萃淵藪此之謂也

孟嘗君聘於楚楚王遺之象牀登徒直送之

象牀以象齒為之登

徒姓也直其名遺于李翻

不欲行謂孟嘗君門人公孫戍曰象牀之

直千金苟傷之毫髮則賣妻子不足償也足下能使僕

無行者有先人之寶劔願獻之公孫戌許諾

姓譖公孫氏出於黃

帝釋名曰劔檢也所以防檢非常也戌音恆
償辰羊翻報也諾奴各翻以言許人曰諾

入見孟嘗

君曰小國所以皆致相印於君者以君能振達貧窮存

亡繼絕故莫不悅君之義慕君之廉也今始至楚而受

象牀則未至之國將何以待君哉孟嘗君曰善遂不受

公孫戌趨去未至中閨

閨涓畦翻宮中小門曰閨
上圖下方如圭故謂之閨

孟嘗

君召而反之曰子何足之高志之揚也公孫戌以實對

孟嘗君乃書門版曰有能揚文之名止文之過私得寶

於外者疾入諫

臣先曰孟嘗君可謂能用諫矣苟其言之善也雖懷

詐諛之心猶將用之

諛許元翻

况盡忠無私以事其上乎

詩云采葑采菲無以下體

詩邶谷風之辭毛氏傳曰葑須也菲芴也鄭氏箋曰

此二菜蔓菁與葑之類也皆上下可食然其根有美時有惡時采之者不可以根惡并棄其葉下體謂根

莖也陸璣草木疏曰葑蕪菁也郭璞曰今菰菜陸德

明曰江南有菰江北有蔓菁相似而異爾雅曰菲芴

又曰菲息菜郭璞曰菲芴土瓜息菜似葑蕪華紫赤色可食葑大葉白華根如指色白可食菲敦尾翻邶

蒲昧翻芴挨拂翻蔓

孟嘗君有焉

漢官翻葑方六翻

韓宣惠王欲兩用公仲公叔為政問於繆畱

繆莫畱翻姓也又靡

幼翻又音穆

對曰不可晉用六卿而國分齊簡公用陳成子

及闕止而見殺魏用犀首張儀而西河之外亡

晉六卿智氏范

氏中行氏趙氏韓氏魏氏也自晉文襄以來迭秉國政後皆疆大卒分晉國齊簡公使闕止為政陳成子憚之

已而陳常殺闕止弑簡公闕以邑為氏蘇代曰魏相犀首必右韓而左魏相張儀必右秦而左魏蓋二相外各

倚與國以為重而內爭權所以魏日削也闕戶今君兩監翻行戶剛翻恒戶登翻卒子恤翻相息亮翻

用之其多力者內樹黨其寡力者藉外權羣臣有內樹

黨以驕主有外為交以削地君之國危矣



資治通鑑卷二



總校官庶吉士臣侍朝

校對官修撰臣張書勲

謄錄監生臣王應璧